

四庫全書薈要

• 乾隆御覽本

子部

欽定四庫全書薈要

子部
莊子卷一



臣董誥詳校
詳校官主事臣陳本

莊子目錄

卷一

內篇

逍遙遊

齊物論

卷二

養生主

人間世

德充符



卷三

大宗師

應帝王

卷四

外篇

駢拇

馬蹄

胠篋

在宥

卷五

天地

天道

天運

卷六

刻意

繕性

秋水

至樂

卷七

達生

山水

田子方

知北遊

卷八

雜篇

庚桑楚

徐無鬼

則陽

卷九

外物

寓言

讓王

盜跖

卷十

說劍

漁父

列御寇

天下

臣等謹案莊子注十卷晉郭象注象字子玄
河南人辟司徒掾稍遷至黃門侍郎東海王
越引為太傅主簿事跡具晉書本傳劉義慶
世說新語曰注莊子者數十家莫能究其旨
統向秀於舊註外別為解義妙演奇致大暢
玄風惟秋水至樂二篇未竟而秀卒秀子幼
其義零落然頗有別本傳流象為人行薄以

秀義不傳於世遂竊以為已注乃自注秋水

至樂二篇又易馬蹄一篇其餘衆篇或點定

文句而已其後秀義別本出故今有向郭二

莊其義一也晉書象本傳亦采是文按向秀

之注陳振孫稱宋代已不傳但時見陸氏釋

文今以釋文所載校之誠不免互有出入然

如逍遙遊有蓬之心句釋文郭向並引絕不

相同胠篋篇聖人不死大盜不止句釋文引

注二十八字又為之斗斛以量之句釋文
引向注十六字郭本皆無是固非全據向書
又秋水篇與道大蹇句釋文云蹇向紀輦反
使如世說所云秋水至樂二篇未注此句向
注何自而來義慶所云亦未必遂為實錄考
史稱象受越親委權灼內外素論去之或當
時既遭衆惡遂不欲使擅美茲書故造斯言
義慶未核而採之晉書又誤因之耶況所稱

補注三篇皆詞旨精深與全書毫無同異實
出一手又安知非惡象者剽取象書託名向
本復出也疑以傳疑固未可概以譚峭化書
例矣劉孝標世說注引逍遙遊向郭義各一
條今本無之又讓王篇惟注三十八字說劍
篇惟注七字似傳寫佚脫既無別本可校今
亦姑仍其舊焉乾隆四十一年四月恭校上

總纂官臣紀昀臣陸錫熊臣孫士毅

總校官臣陸費墀

南華真經原序

夫莊子者可謂知本矣故未始藏其狂言言雖無會而獨應者也夫應而非會則雖當無用言非物事則雖高不行與夫寂然不動不得已而後起者固有間矣斯可謂知無心者也夫心無為則隨感而應應隨其時言唯謹爾故與化為體流萬代而冥物豈曾設對獨邁而游談乎方外哉此其所以不經而為百家之冠也然莊生雖未體之言則至矣通天地之統序萬物之性達死生

之變而明內聖外王之道上知造物無物下知有物之
自造也其言宏綽其旨玄妙至至之道融微旨雅泰然
遣放放而不敖故曰不知義之所適猖狂妄行而蹈其
大方含哺而熙乎澹泊鼓腹而游乎混芒至人極乎無
親孝慈終於兼忘禮樂復乎已能忠信發乎天光用其
光則其朴自成是以神器獨化於玄冥之境而源流深
長也故其長波之所蕩高風之所扇暢乎物宜適乎民
願弘其鄙解其懸灑落之功未加而矜夸所以散故觀

其書超然自以為已當經崑崙涉太虛而游惚恍之庭
矣雖復貪婪之人進躁之士暫而攬其餘芳味其溢流
彷彿其音影猶足曠然有忘形自得之懷況探其遠情
而玩永年者乎遂綿邈清遐去離塵埃而返冥極者也

河南郭象撰

莊子卷一

晉郭象註

唐陸德明音義

莊子內篇逍遙遊第一

夫小大雖殊而放於自得之場則物任其性事稱其能各當其

分逍遙一也豈容勝負於其間哉音義曰內篇內者對外立名說文云篇書也字從竹從艹者草名耳非也逍

音銷亦作消遙如字亦作搖遊如字亦作游逍遙遊者篇名義取閒放不拘怡適自得夫音符場直良切稱尺

證切當丁浪切分符問切

北冥有魚其名為鯤鯢之大不知其幾千里也化而為

鳥其名爲鵬

鵬鯢之實吾所未詳也夫莊子之大意在

以明性分之適達觀之士宜要其會歸而遺其所寄不足事事曲與生說自不害其弘旨皆可略之○北冥本

亦作溟覓經切北海也嵇康云取其溟漠無涯也梁簡文帝云寄冥無極故謂之冥東方朔十洲記云水黑色

謂之冥海無風洪波百丈鯢徐音昆李侯溫反大魚名也崔謨云鯢當爲鯨簡文同幾居豈反下同鵬步登反

徐音朋郭甫登反崔音鳳云鵬即古鳳字非來儀之鳳也說文云朋及鵬皆古文鳳字也朋鳥象形鳳飛羣鳥

從以萬數故以鵬爲朋黨字字林云鵬朋黨也古以爲鳳字夫音符發句之端皆同分符問反下皆同觀古亂

反要一鵬之背不知其幾千里也怒而飛其翼若垂天

之雲是鳥也海運則將徙於南冥南冥者天池也海非冥

足以運其身非九萬里不足以負其翼此豈好奇哉直以大物必自生於大處大處亦必自生此大物理固自然不患其失又何措心於其間哉○垂天之雲司馬彪云若雲垂天旁崔云垂猶邊也其大如天一面雲也海運司馬云運轉也向秀云非海不行故曰海運簡文云運徙也好呼報反下皆同處昌慮反下同厝七故反本措又作齊諧者志怪者也諧之言曰鵬之徙於南冥也水

擊三千里搏扶搖而上者九萬里

夫翼大則難舉故搏扶搖而後能上九萬

里乃足自勝耳既有斯翼豈得決然而起數仞而下哉此皆不得不然非樂然也○齊諧戶皆反司馬及崔並

云人姓名簡文云書志怪志記也怪異也水擊崔云將飛舉翼擊水踉蹌也踉蹌音亮踉蹌七亮反搏徒端反司馬

云搏飛而上也一音搏崔云拊翼徘徊而上也扶搖徐音遙風名也司馬云上行風謂之扶搖爾雅云扶搖謂

之颺郭璞云暴風從下上也上時掌反註同勝音升下同缺喜缺反下同數色主反下同樂音嶽又五孝反

去以六月息者也

夫大鳥一去半歲至天池而息小鳥一飛半朝槍榆枋而止此比所能則

有間矣其於適性一也

野馬也塵埃也生物之以息相

吹也

此皆鵬之所馮以飛者耳野馬者遊氣也○野馬

馳也埃音哀崔云天地間氣翳鬱似塵埃揚也吹如字崔本作吹馮皮冰反本亦作憑

天之蒼蒼

其正色邪其遠而無所至極邪其視下也亦若是則已

矣

今觀天之蒼蒼竟未知便是天之正色邪天之為遠而無極邪鵬之自上以視地亦若人之自此視天則

止而圉南矣言鵬不知道里之遠近趣足以自勝而逝○邪也差反助句不定之辭後放此

且夫水

之積也不厚則負大舟也無力覆杯水於坳堂之上則

芥為之舟置杯焉則膠水淺而舟大也

此皆明鵬之所
以高飛者翼大

故耳夫質小者所資不待大則質大者所用不得小矣
故理有至分物有定極各足稱事其濟一也若乃失乎
忘生之生而營生於至當之外事不任力動不稱情則
雖垂天之翼不能無窮決起之飛不能無困矣○夫音
符履芳服反杯崔本作盃坳於交反又烏了反李又伊
九反崔云堂道謂之坳司馬云塗地令平支適云謂有
坳埵形也芥古邁反徐古邁反一音古黠反李云小草
也膠徐李古孝反一音如字崔云膠著地也李云黏也
稱尺證反後同濟子細反本又作齊如風之積也不厚
字之生本亦作主字當丁浪反後皆同

則其負大翼也無力故九萬里則風斯在下矣而後乃

今培風背負青天而莫之夭閼者而後乃今將圖南

所夫

以乃今將圖南者非其好高而慕遠也風不積則天閼不通故耳此大鵬之道遙也○培音裴重也徐扶杯反

又父宰反一音扶北反本或作陪風絕句背負青天一讀以背字屬上句夭於表反司馬云折也閼徐於葛反

一音調司馬云蜩與學鳩笑之曰我決起而飛搶榆枋止也李云塞也

時則不至而控於地而已矣奚以之九萬里而南為

足苟

於其性則雖大鵬無以自責於小鳥小鳥無羨於天地而榮願有餘矣故小大雖殊逍遙一也○蜩音條司馬

云蟬學鳩如字一音於角反本又作鷖音同本或作鷖音預崔云學讀為滑滑鳩一名滑雕司馬云學鳩小鳩

也李云鷖鷖也毛詩草木疏云鷖鷖班鷖也簡文云月令云鳴鳩拂其羽是也決向徐喜扶反李呼穴反李願

云疾貌搶七良反司馬李云猶集也崔云著也支適云
搶突也榆徐音踰木名也枋徐音方李云檀木也崔云
木也或曰木名控苦貢反司馬
云投也又云引也崔云叩也 適莽蒼者三食而反腹

猶果然適百里者宿舂糧適千里者三月聚糧

所適彌遠則聚

糧彌多故其翼彌大則積氣彌厚也○莽莫浪反或莫
郎反蒼七蕩反或如字司馬云莽蒼近郊之色也李云

近野也支適云冢間也崔云草野之色淦七丹反果
徐如字又苦火反衆家皆云飽貌春東容反糧音良之

二蟲又何知

二蟲謂鵬蜩也對大於小所以均異趣也夫趣之所以異豈知異而異哉皆不知所

以然而自然耳自然耳

不為也此逍遙之大意 小知不及大知小年不及大年

物各有性性各有極皆如年知豈跂尚之所及哉自此
已下至于列子歷舉年知之大小各信具一方未有足

以相傾者也。然後統以無待之人遺彼忘我。冥此羣異。異方同得而我無功名。是故統小大者無小無大者也。苟有乎小大則雖大鵬之與斥鴳宰官之與御風同為累物耳。齊死生者無死無生者也。苟有乎死生則雖大椿之與蟪蛄彭祖之與朝菌均於短折耳。故遊於無小無大者無窮者也。冥乎不死不生者無極者也。若夫逍遙而繫於有方則雖放之使遊而有所窮矣。未能無待也。知音智本亦作智下大知並注同。下年知放此歧。丘歧反。後同累。奚以知其然也。朝菌不知晦朔。蟪蛄不知春秋。此小年也。楚之南有冥靈者以五百歲為春。五百歲為秋。上古有大椿者以八千歲為春。八千歲為秋。而彭祖乃今以久特聞。衆人匹之。不亦悲乎。

夫年知不相及若此

之也。此於衆人之所悲亦可悲矣。而衆人未嘗悲此者，以其性各有極也。苟知其極，則豪分不可相跂，天下又何所悲乎哉？夫物未嘗以大欲小而必以小欲大，故舉小大之殊，各有定分，非羨欲所及，則羨欲之累可以絕矣。夫悲生於累，累絕則悲去。悲去而性命不安者，未之有也。○朝菌，徐其隕反。司馬云：大芝也。天陰生，冀上見日則死。一名日及，故不知月。終始也。崔云：冀上芝朝生暮死，晦者不及朔，朔者不及晦。支適云：一名奔英。朝生暮落，潘尼云：木槿也。簡文云：欲生之芝也。故音況物反，晦冥也。朔旦也。惠本亦作蟪，同。姑音姑，司馬云：惠姑，寒蟬也。一名蜺，蟪春生夏死，夏生秋死。崔云：姑蟪也。或曰：山蟬，秋鳴者不及春，春鳴者不及秋。廣雅云：蟪，姑蛸蟪也。案即楚詞所云寒蟬者也。蜺音提，蟪音勞，又音連。蛸音彫，蜺音將，冥本或作螟，同。蜜李喻云：冥，靈木名也。江南生以葉生為春，葉落為秋。此木以二千歲為一年。梅丑倫反。司馬云：木一名檠，檠木槿也。崔音檠，華同。

李云生江南一云生北戶南此亦三萬二千歲為一年
彭祖李云名鏗堯堯臣封於彭城歷虞夏至商年七百歲
故以久壽見聞世本云姓錢名鏗在商為守藏史在周
為柱下史年八百歲錢音翦一云即老子也崔云堯臣
仕殷世其人甫壽七百年王逸評楚辭天問云彭鏗即
彭祖事帝堯彭祖至七百歲猶曰悔不壽恨杖晚而唾
遠云帝嚳之玄孫特聞如字崔本作湯之問棘也是已
待問懸音玄分符問反又方云反

湯之問棘亦云物各有極任之則條暢故莊子以所問
為是也○棘李云湯時賢人又云是棘子崔云齊諧之
徒識冥靈大椿者名也簡文窮髮之北有冥海者天池
云一曰湯廣大也棘狹小也

也有魚焉其廣數千里未有知其脩者其名為鯢有鳥
焉其名為鵬背若泰山翼若垂天之雲搏扶搖羊角而

上者九萬里絕雲氣負青天然後圖南且適南冥也斥
鴟笑之曰彼且奚適也我騰躍而上不過數仞而下翔
翔蓬蒿之間此亦飛之至也而彼且奚適也此小大之

辯也

各以得性為至自盡為極也向言二蟲殊翼故所
至不同或翱翔天池或畢志榆枋直各稱體而足

不知所以然也今言小大之辯各有自然之素既非跂
慕之所及亦各安其天性不悲所以異故再出之○髮

李云髮猶毛也司馬云北極之下無毛之地也崔云北
方無毛地也案毛草也地理書云山以草木為髮廣古

曠反數色主反下同羊角司馬云風曲上行若羊角上
時掌反下同且如字舊子餘反下同斥如字司馬云小

澤也本亦作尺崔本同簡文云作尺非鴟於諫反字亦
作鴟司馬云鴟省也躍由若反翺五刀反蒿好刀反

故夫知效一官行比一鄉德合一君而徵一國者其自

視也亦若此矣

亦猶鳥之自得於一方也○知效音智下戶教反行下孟反比毗至反徐扶至

反李云合也徵如字司馬云信也崔云成也

而宋榮子猶然笑之

未能齊故有笑○宋

榮子司馬李云宋國人也崔云賢者也猶然笑之崔李云猶笑貌案謂猶以為笑

且舉世而譽

之而不加勸舉世而非之而不加沮

審自得也○譽音餘沮慈呂反敗也

定乎内外之分

内我而外物

辯乎榮辱之竟

榮已而辱人之竟居領反

斯已矣

亦不能復過此○復扶又反

彼其於世未數數然也

足於身故問於

世也○數數音朔下同徐所祿反一音桑縷反司馬云猶汲汲也崔云迫促意也簡文所喻反謂計數間音閑

本亦雖然猶有未樹也

○唯能自是耳未能無所不可也

作閑雖然猶有未樹也

○未樹司馬云樹立也未立至

德夫列子御風而行泠然善也

泠然輕妙之貌○列子李云鄭人名御冠得風

仙乘風而行與鄭穆公同時泠音零

旬有五日後反

苟有待焉則雖御風而行不能以一

時而彼於致福者未數數然也

自然御風行耳非數數然求之也

此雖

免乎行猶有所待者也

非風則不得行斯必有待也唯無所不乘者無待耳

若夫

乘天地之正而御六氣之辯以遊無窮者彼且惡乎待

哉天地者萬物之總名也天地以萬物為體而萬物必以自然為正自然者不為而自然者也故大鵬之能

高斥鴳之能下椿木之能長朝菌之能短凡此皆自然之所能非為之所能也不為而自能所以為正也故乘

天地之正者即是順萬物之性也御六氣之辯者即是遊變化之塗也如斯以往則何往而有窮哉所遇斯乘又將惡乎待哉此乃至德之人空同彼我者之逍遙也苟有待焉則雖列子之輕妙猶不能以無風而行故必得其所待然後逍遙耳而況大羈乎夫唯與物冥而循大變者為能無待而常通豈自通而已哉又順有待者使不失其所待所待不失則同於大通矣故有待無待吾所不能齊也至於各安其性天機自張受而不知則吾所不能殊也夫無待猶不足以殊有待況有待者之巨細乎○六氣司馬云陰陽風雨晦明也李云平旦為朝霞日中為正陽日入為飛鳥之卒為沆瀣天玄地黃為六氣王逸註楚辭云凌陽子之經言春食朝霞朝霞者日欲出時黃氣也秋食淪陰淪陰者日沒已後赤黃氣也冬食沆瀣沆瀣者北方夜半氣也夏食正陽正陽者南方日中氣也并天玄地黃之氣是為六氣沆瀣音戶常反沆音下界反支云天地四時之氣辯如字變也崔

本作和惡故曰至人無已

無已故順物順物而王矣○音烏注同

亦作神人無功

夫物未嘗有謝生於自然者而必欣賴於針石故理至則迹滅矣今順而不助

與至理為一故無功○針之鵠反或之林反

聖人無名

聖人者物得性之名耳未足以名其所以

也得堯讓天下於許由曰日月出矣而燭火不息其於光

也不亦難乎時雨降矣而猶浸灌其於澤也不亦勞乎

夫子立而天下治而我猶尸之吾自視缺然請致天下

許由曰子治天下天下既已治也

夫能令天下治不治天下者也故堯以不

治治之非治之而治者也今許由方明既治則無所代之而治實由堯故有子治之言宜忘言以尋其所況而

或者遂云治之而治者堯也不治而堯得以治者許由也斯失之遠矣夫治之由乎不治為之出乎無為也取於堯而足豈借之許由哉若謂拱默乎山林之中而後得稱無為者此莊老之談所以見棄於當塗當塗者自必於有為之域而不反者斯由之也○堯唐帝也許由隱人也隱於箕山司馬云潁川陽城人簡文云陽城槐里人李云字仲武燭本亦作燭音爵郭祖繼反司馬云然也向云人所然火也一云燭火謂小火也字林云燭炬火也子召反燭所以然持火者子約反浸子鳩反灌古亂反天下治直吏反下已治註天下治而治者也既治而治實而治者得以治

而我猶代子吾將為名乎名

者實之賓也吾將為賓乎

夫自任者對物而順物者與物無對故堯無對於天下而

許由與稷契為匹矣何以言其然邪夫與物冥者故羣物之所不能離也是以無心玄應惟感之從汎乎若不

繫之舟東西之非已也故無行而不與百姓共者亦無往而不為天下之君矣以此為君若天之自高實君之德也若獨亢然立乎高山之頂非夫人有情於自守守一家之偏尚何得專此此故俗中之一物而為堯之外臣耳若以外臣代乎內主斯有為君之名而無任君之實也稷契胤列反皆唐虞臣也稷周之始祖名棄契殷之始祖名囂力智反應應對之應鳥鵲巢於深林不過汎芳飴反非夫音扶下同

一枝偃鼠飲河不過滿腹

性各有極苟足其極則餘天下之財也○鷦子遙反鷽音

遼李云鷽鷽小鳥也郭璞云鷽鷽挑雀偃鼠如字李云鷽鼠也說文鼯鼠一曰偃鼠鼯扶問反歸休乎

君子無所用天下為

均之無用而堯獨有之明夫懷豁者無方故天下樂推而不厭○乎

君絕句一讀至乎字絕句君別庖人雖不治庖尸祝不

越樽俎而代之矣

庖人尸祝各安其所司鳥獸萬物各足於所受帝堯許由各靜其所遇此

乃天下之至實也各得其實又何所為乎哉自得而已矣故堯許天地雖異其於逍遙一也○庖鮑交反徐扶

交反掌厨人也周禮有庖人職祝之六反傳鬼神辭曰祝樽子存反本亦作尊俎徐側呂反

肩吾問

於連叔曰吾聞言於接輿大而無當往而不反吾驚怖

其言猶河漢而無極也大有逕庭不近人情焉連叔曰

其言謂何哉曰藐姑射之山有神人居焉肌膚若冰雪

淖約若處子

此皆寄言耳夫神人即今所謂聖人也夫聖人雖在廟堂之上然其心無異於山林

之中世豈識之哉徒見其戴黃屋佩玉璽便謂足以纓綬其心矣見其歷山川同民事便謂足以憔悴其神矣

豈知至至者之不虧哉今言王德之人而寄之此山將明世所無由識故乃託之於絕垠之外而推之於視聽之末耳處子者不以外傷內○肩吾李云賢人也司馬云神名連叔李云懷道人也接與本又作與同音餘接與楚人也姓陸名通皇甫謐云接與躬耕楚王遣使以黃金百鎰車二駟聘之不應當丁浪反司馬云言語宏大無隱當也怖普布反爾雅云懼也大有音泰徐勅佐反逕徐古定反司馬本作莖庭勅定反李云逕庭謂激過也近附近之近苑音邈又妙紹反簡文云遠也射徐音夜又食亦反李實夜反山名在北海中肌居其反渾郭昌略反又徒學反字林大卓反蕪林漢書音火也約如字李云渾約柔弱貌司馬云好貌處子在室女也黃屋車蓋以黃為裏一云冕裏黃也璽音徙纓字或作嬰統方物反字或作紼然在遙反忤在醉反至者本亦作至足者王徐于况反本亦作不食五穀吸風飲露俱至垠音銀又五根反本又作限

五穀而獨為神人明神人者非五穀所為而特稟自然之妙氣○吸許及反

乘雲氣御飛龍

而遊乎四海之外其神凝使物不疵癘而年穀孰吾以

是狂而不信也

夫體神居靈而窮理極妙者雖靜默間堂之裏而玄同四海之表故乘兩儀而

御六氣同人羣而驅萬物苟無物而不順則浮雲斯乘矣無形而不載則飛龍斯御矣遺身而自得雖澹然而不待坐忘行忘忘而為之故行若曳枯木止若聚死灰是以云其神疑也其神凝則不疑者自得矣世皆齊其所見而斷之豈當信此哉○疑魚升反疵在斯反病也司馬云毀也一音子爾反癘音厲李音賴惡病也本或作厲狂求匡反李云癡也李又九况反間音閑澹徒暫反恬靜也齊才細反又如字斷丁亂反連叔曰然瞽者無以與乎文章之觀聾者無以與乎鍾鼓之聲

豈唯形骸有聾盲哉夫知亦有之

不知至言之極妙而以為狂而不信此知

之聾盲也○聾音古盲者無目如鼓皮也與徐音豫下同觀古亂反聾鹿工反不聞也之聲崔向司馬本此下更有眇者無以與乎眉目之好夫則者不自為假文屢夫知音智註知同

是其言也猶時

女也

謂此接輿之所言者自然為物所求但知之聾盲者謂無此理○時女司馬云猶處女也向云時女

虛靜柔順和而不喧未嘗求人而為人所求也之人也之德也將旁薄萬物以

為一世斲乎亂孰弊弊焉以天下為事

大聖人之心極兩儀之至會窮

萬物之妙數故能體化合變無往不可旁礴萬物無物不然世以亂故求我我無心也我苟無心亦何為不應世哉然則體玄而極妙者其所以會通萬物之性而陶鑄天下之化以成堯舜之名者常以不為為之耳孰弊

弊焉勞神苦思以事為事然後能乎○旁礪剛反李鋪

剛反字又作礪同礪蒲博反李普各反司馬云旁礪猶

混同也○新徐音祈李云求也○弊弊李扶世反徐扶計反

簡又云弊弊經營貌司馬本作敵敵應應對之應思息

副之人也物莫之傷夫安於所傷則傷不能傷傷大浸

反不能傷而物亦不傷之也

稽天而不溺大旱金石流土山焦而不熱無往而不安

死生無變於已況溺熱之間哉故至人之不嬰乎禍難

非辟之也推理直前而自然遇吉會浸子鴛反鴛音

難徐李音啓司馬云至也弱是是其塵垢批據將猶

反或奴學反難乃旦反非辟音是

陶鑄弄外者也孰肯以物為事弄者世事之名月為

者豈直弄辭而已哉必有神人者非名也故夫弄弄

徒名其塵垢批據耳○垢古口反塵垢猶染汚批本又

者豈直弄辭而已哉必有神人者非名也故夫弄弄

徒名其塵垢批據耳○垢古口反塵垢猶染汚批本又

作批徐甫妹反又悲矣反據字亦作康音康批據猶
煩碎陶徒刀反李移昭反本亦作鉤音同鑄之樹反宋

人資章甫而適諸越越人斷髮文身無所用之堯治天

下之民平海內之政往見四子藐姑射之山汾水之陽

窅然喪其天下焉

夫堯之無用天下為亦猶越人之無所用章甫耳然遺天下者固天下之

所宗天下雖宗堯而堯未嘗有天下也故窅然喪之而常遊心於絕冥之境雖寄坐萬物之上而未始不逍遙也四子者蓋寄言以明堯之不一於堯耳夫堯實冥矣其迹則堯也自迹觀冥外內異域未足怪也世徒見堯之為堯豈識其冥哉故將求四子於海外而據堯於所見因謂與物同波者失其所以逍遙也然未知至遠之所順者更近而至高之所會者反下也若乃厲然以獨高為至而不夷乎俗者斯山谷之士非無待者也奚足

以語至極而遊無窮哉○宋人宋今梁國睢陽縣殷後
微子所封資章甫李云資貨也章甫殷冠也以冠為貨
越今會稽山陰將斷丁管反李徒短反司馬本作敦云
敦斷也四子司馬李云王倪齧缺被衣許由分水徐扶
云反郭方聞反案分水出太學今莊生寓言也司馬崔
本作器水自然得為丁反郭武駟反李云自然猶悵然
喪息浪反注同冥丁反
反音境本亦作境 惠子謂莊子曰魏王貽我大瓠

之種我樹之成而實五石以盛水漿其堅不能自舉也

剖之以為瓢則瓠落無所容非不呶然大也吾為其無

用而掊之莊子曰夫子固拙於用大矣宋人有善為不

龜手之藥者世世以泝澠統為事

其藥能令手不拘圻故常漂絮於水中也

○惠子司馬云姓惠名施為梁相魏王司馬云梁惠王也按魏自河東遷大梁故謂之魏或謂之梁也貽徐音怡郭與志反遺也甄徐音護種章勇反實五石司馬云實中容五石盛音成剖普口反甄毗遙反徐扶堯反則甄戶郭反司馬音護下同落簡文云甄落猶廓落也司馬云甄布護也落零落也言其形平而淺受水則零落而容也嗚本亦作号徐許橋反李云号然虛大貌崔作諤簡文同吾為于偽反梧徐方垢反司馬云擊破也龜手愧悲反徐舉倫反李居危反向云均拆也司馬云文拆如龜文也又云如龜擘縮也并徐扶經反游普歷反徐敷歷反郭李恪歷反辟聲統音曠小爾雅云絮細者謂之統李云并游統者漂絮於水上統絮也令力呈反不拘紀于反依字宜作鉤紀于求于二反周書云天寒足鉤是也坵勅白反漂匹妙反韋昭云以水擊絮為漂說文作敝豐市反又客聞之請買其方百金聚族而謀匹例反絮胥慮反

曰我世世為泝泝統不過數金今一朝而鬻技百金請
與之客得之以說吳王越有難吳王使之將冬與越人
水戰大敗越人裂地而封之能不龜手一也或以封或
不免於泝泝統則所用之異也今子有五石之瓠何不
慮以為大樽而浮乎江湖而憂其瓠落無所容則夫子
猶有蓬之心也夫

蓬非直達者也此章言物各有宜苟
得其宜安往而不逍遙也○百金李

云金方寸重一斤為一金百金百斤也數色主反鬻音
育司馬云賣也技本或作伎竭彼反說始銳反又如字
難乃旦反將子匠反敗必邁反大樽本亦作尊司馬云
樽如酒器縛之於身浮於江湖可以自渡慮猶結綴也

案所謂旁舟蓬向云蓬者短不暢曲土之謂

惠子謂莊子曰吾有大樹人謂

之樗其大本擁腫而不中繩墨其小枝卷曲而不中規
矩立之塗匠者不顧令子之言大而無用衆所同去也
莊子曰子獨不見狸狌乎卑身而伏以候教者東西跳
梁不避高下中於機辟死於罔罟今夫釐牛其大若垂
天之雲此能為大矣而不能執鼠今子有大樹患其無
用何不樹之於無何有之鄉廣莫之野彷徨乎無為其
側逍遙乎寢卧其下不夭斤斧物無害者無所可用安

所困苦哉

夫小大之物苟失其極則利害之理均用得其所則物皆逍遙也○擣勑魚反木名擁腫

章勇反李云擁腫猶盤癭中丁仲反下同卷本又作拳

同音權徐紀阮反李丘圓反去如字李兇呂反狸力之

反往徐音姓郭音生又音星司馬云狃也狃音由救反

救徐李五到反支云伺彼急傲謂承夫間殆也本又作

傲同司馬音邀謂伺邀翔之物而食之雞鼠之屬也跳

音條辟音避今本多作避下放此機辟毗赤反司馬云

周也畧徐音古縻牛郭呂之反徐李音來又音離司馬

云旄牛無何有之鄉廣莫之野謂寂絕無為之地也簡

文云莫大也彷彿剛反又音房徨音皇彷徨猶翔

翔也崔本作方羊簡文同廣雅云彷彿徙倚也

莊子內篇齊物論第二

夫自是而非彼美已而惡人彼莫不皆然然故是非雖異而彼

我均也○論力煩反

李如字惡鳥路反

南郭子綦隱机而坐仰天而噓嗒焉似喪其耦

同天人均彼我

故外無與為歡而答焉解體若失其配匹○南郭子綦音其司馬云居南郭因為號隱於新反馮也机音紀李

本作几噓音虛吐氣為噓向云息也嗒本又作答同吐答反又都納反注同解體貌喪息浪反下同耦本又作

偶五口反匹也對也司馬云耦身也身與神為耦顏成子游立侍乎前曰何居

乎形固可使如槁木而心固可使如死灰乎

死灰槁木取其寡寞

無情耳夫任自然而忘是非者其體中獨任天真而已又何所有哉故止若立枯木動若運槁枝坐若死灰行

若游塵動止之容吾所不能一也其於無心而自得吾所不能一也○顏成子游李云子綦弟子也姓顏名偃

謚成字子游何居如字又音姬司馬云猶故也今之隱槁枯老反注同寡音寂本亦作寂寞本亦作漠

机者非昔之隱机者也

子游常見隱机者而未見若子綦也

子綦曰偃不

亦善乎而問之也今者吾喪我汝知之乎

吾喪我我自忘矣我自忘

矣天下有何物足識哉故都忘外內然後超然俱得

女聞人籟而未聞地籟女聞

地籟而未聞天籟夫

籟籟也夫籟管參差宮商異律故音短長高下萬殊之聲聲雖萬殊

而所稟之度一也然則優劣無所錯其間矣況之風物異音同是而咸自取焉則天地之籟見矣○女音汝下皆同本亦作汝籟力帶反夫音扶參初林反差初宜反錯七故反見賢遍反

子游曰敢問其

方子綦曰夫大塊噫氣其名為風

大塊者無物也夫噫氣者豈有物哉氣塊

然而自噫耳物之生也莫不塊然而自生則塊然之體大矣故遂以大塊為名○塊苦怪反李苦對反說文同

云俗由字也徐口回反徐李又胡罪反郭又苦猥反司
馬云大朴之貌衆家或作大槐班固同淮南子作大昧
解者或以為無或以為元氣或以為混成
或以為天謬也噫乙戒反注同一音蔭
是惟無作作

則萬竅怒号

言風惟無作作則萬竅皆怒動而為聲也
○竅苦弔反号胡刀反徐又許口反又胡

到而獨不聞之琴琴乎

長風之聲○琴良救反又六叔
反長風聲也李本作颺音同又

力竹 山林之畏佳

大風之所扇動也○畏於鬼反郭烏
罪反崔本作岷佳醉癸反徐子唯反

郭祖罪反李諸鬼反
李頤云畏佳山阜貌

大木百圍之竅穴似鼻似口似耳

似枅似圈似臼似洼者似汚者

此畧舉衆竅之所似○
竅崔本作窾似鼻似口

司馬云言風吹竅穴動作或似人鼻或似人口枅音雞
又音肩字林云柱上方木也簡文云搏摠也似圈起權

反郭音權杯圈也徐其阮反言如羊豕之圍圈也白其
 九反注烏攜反李於花反又烏垂反郭烏蛙反司馬云
 若注曲汚音烏司馬云若汚下激者謫者叱者吸者叫者譟者突者咬

者此略舉衆竅之聲殊○激經歷反如水激也李古弔
 反司馬云聲若激喚也李又驅弔反謫音考李虛交

反簡文云若箭去之聲司馬云若謹謫聲叱昌實反徐
 音七司馬云若叱咄聲吸許及反司馬云若噓吸聲也

叫古弔反郭古幼反李居耀反司馬云若叫呼聲也譟
 音豪郭又戶報反司馬云若譟突聲突徐於堯反一音

香又於弔反司馬云深者也若深突突然咬於
 交反或音狡司馬云聲哀切咬咬然又許拜反前者唱

于而隨者唱喁冷風則小和飄風則大和夫聲之宮商
 雖千變萬化

唱和大小莫不稱其所受而各當其分○唱于如字喁
 五恭反徐又音愚又五斗反李云于喁聲之相和也冷

風音零李云冷冷小風也和胡卧反下及注皆同飄風
鼻遙反又符遙反李數遙反司馬云疾風也爾雅云回

風為飄稱尺證反分厲風濟則衆竅為虛濟止也烈風作則衆竅實

符問反下不出者同及其止則衆竅虛虛實雖異其於各得則同○厲而獨

風司馬云大風向郭云烈風濟子細反向云止也

不見之調調之刁刁乎調調刁刁動搖貌也言物聲既異而形之動搖亦又不同也動

雖不同其得齊一耳豈調調獨是而刁刁獨非乎○調音條刁徐都堯反向云調調刁刁皆動搖貌搖如字又

羊照反子游曰地籟則衆竅是已人籟則比竹是已敢問

天籟子綦曰夫吹萬不同而使其自已也此天籟也夫天籟者豈復

別有一物哉即衆竅比竹之屬接乎有生之類會而共
成一天耳無既無矣則不能生有有之未生又不能為

生然則生生者誰哉塊然而自生耳自生耳非我生也
我既不能生物物亦不能生我則我自然矣自己而然
則謂之天然天然耳非為也故以天言之以天言之所
以明其自然也豈蒼蒼之謂哉而或者謂天籟役物使
從已也夫天且不能自有況能有物哉故天也者萬物
之總名也莫適為天誰主役物乎故物各自生而無所
出焉此天道也○此毗志反又必履反
李扶必反注同復扶又反適丁歷反咸其自取怒者

其誰邪

物皆自得之耳誰主怒之使然哉此重明天籟也○重直用反

大知閑閑小知

間間

此蓋知之不同知音智下及註同閑閑李云無所容貌簡文云廣博之貌間間古閑反有所間別也

大言炎炎小言詹詹

此蓋言語之異○炎炎于廉于凡反又音談李作淡徒濫反李願

云同是非也簡文云美盛貌詹詹音占李願云小篇之貌崔本作間

其寐也魂交其覺也

形開

此蓋寤寐之異○魂交司馬云精神交錯也覺占孝反形開司馬云目開意悟也

與接為

構日以心鬪縵者窖者密者

此蓋交接之異○與接為構司馬云人道交接構結

騷愛也縵末旦反簡文云寬心也窖古孝反司馬云小深也李云穴也案穴地藏穀曰窖簡文云深心也

恐惴惴大恐縵縵

此蓋恐惴之異○恐曲勇反下及注同惴之瑞反李云小心貌爾雅云懼

也縵縵李云齊死生貌惴其李反

其發若機括其司是非之謂也其留

如詛盟其守勝之謂也

此蓋動止之異○機括古活反機弩牙括箭括詛惻據反盟音

明徐武耕反郭武病反

其殺如秋冬以言其日消也

其衰殺日消有如此者○

殺色界反徐色例反注同

其溺之所為之不可使復之也

其溺而遂往有如此

者○溺奴狄反其厭也如緘以言其老洩也其厭沒於欲

反郭奴微反如此者○厭於葉反徐於冉反又於感反緘徐古近死

咸反洩本亦作溢同音逸郭許鵬反又已質反

之心莫使復陽也○其利患輕禍陰結遂志有如此者喜

怒哀樂慮嘆變熱姚佚啓態此蓋性情之異者○樂音

貌姚郭音遙徐李勅弔反佚音逸態勅代反李又奴載反樂出虛蒸成茵此蓋事變

此以上略舉天籟之無方自此以下明無方之自然也

物各自然不知所以然而然則形雖彌異自然彌同也

○蒸之膺反茵其隕反向云結也上時掌反日夜相代乎前而莫知其所萌

日夜相代代故以新也夫天地萬物變化日新與已乎

時俱往何物萌之哉自然而然而然耳○萌武耕反

已乎旦暮得此其所由以生乎

言其自生○本又作莫音同

非彼無

我非我無所取是亦近矣

彼自然也自然者即我之自然生我我自然

遠之而不知其所為使

凡物云云皆百爾耳非相為使也故任之而理自至矣○相為

于偽反下未為同

若有真宰而特不得其朕

萬物萬情趣舍不同有若真宰使之

然也起索真宰之朕迹而亦終不得則明物皆自然無使物然也○特崔云特辭也朕李除忍反兆也○趣七

喻反字或作取舍音捨或音赦下皆放此索所百反可行已信

今夫行者信已可得行也

而不

見其形

不見所以得行之形

有情而無形

情當其物故形不別見也○當丁浪反下皆同

遍見賢百骸九竅六藏賅而有

也○體戶皆反六為才

浪反案以肺肝脾腎謂之六腑身別有九藏氣天地

目之氣地口齒之氣三各有天地之氣而九神藏五形藏四故九令此云

司馬云備也小爾雅同簡文云兼也吾誰與

私焉皆說之則是有私則不能賤而有矣故不說而自

本多即作悅如皆有為妾乎若皆私之則志過其

臣妾矣臣妾之而不安妾之任則失矣故知君其臣上下手足外也乃天理然豈有人之所為哉

臣妾不足以相治了以相治也但各當其分耳未為不足也相治也者若手足耳目

四支百體各有所司而其聽相為君臣乎夫時之所賢更相御用也○更音庚者為君才不

應世者為臣若天之自高地之自卑首自在上足自居下豈有遞哉雖無錯於當而必自當也○遞音第徐又

音第應應對之應錯七索反下同

其有真君存焉

任之而非偽也

如求得

其情與不得無益損乎其真

凡得真性用其自為者雖復皂隸猶不顧毀譽而自

安其業故知與不知皆自若也若乃開希幸之路以下冒上物喪其真人忘其本則毀譽之間俯仰失錯也○

復扶又反下同譽音餘喪息浪反

一受其成形不亡以待盡

言物各有分故知者

守知以待終而愚者抱愚以至死豈有能中易其性者也

與物相刃相靡其行盡如

馳而莫之能止不亦悲乎

羣品云云逆順相定各信其偏見而忘其所行莫能自反

此此衆人之所悲者亦可悲矣而衆人未嘗終身役此為悲者性然故也物各性然又何物足悲哉終身役

役而不見其成功

夫物情無極知足者鮮故曰

而

復得於彼皆疲役

然疲役而不知其所謂可

哀邪

以好其形骸子孫拮据困窮乃結反除李乃協

反雀音

簡文云疲

人謂之不死奚益言其實

其形化其心變之然可不謂大哀乎

言其心形並馳困而不反比於凡人

所哀則此真哀也然凡人未嘗

以此為哀則凡所哀者不足哀也

芒乎其我獨芒而人亦有不芒者乎

凡此上事皆不知所以然而然故曰

芒也今夫知者芒所以知而自知矣生者不知所以生而自生矣萬物異至於生不由知則未有不

者也故天下莫不芒也○芒莫剛反又音亡芒芒昧也簡文云芒同也

夫隨其成心而師

之誰獨且無師乎

夫心之足以制一身之用者謂之成心人自師其成心則人各自有師矣

人各自有師故付之而自當

奚必知代而心自取者有之愚者與有

焉

夫以成代不成非知也心自得耳故愚者亦師其成心未肯用其所謂短而舍其所謂長者也○與音豫

舍音捨字亦作捨下同

未成乎心而有是非是今日適越而昔至

也

今日適越昨日何由至哉未成乎心是非何由生哉明夫是非者壽品之所不能無故至人兩順之○昔

至崔云昔夕也向不昔者昨日之謂也

是以無有為有無有為有雖有神

禹且不能知吾獨且奈何哉

理無是非而或者以為有此以無有為有也或心已

成雖聖人不能解故付之自夫言非吹也言者有言各

若而不強知也○強其文反

所說故異於吹○吹如字其所言者特未定也我以為

又叱瑞反崔云吹猶籟也

以為非彼之所是我又非之故未

定也未定也者由彼我之情偏

果有言邪以為有言邪然未足

所以有言其未嘗有言邪據已已有言其以為異於擊音

亦有辯乎其無辯乎

夫言與擊音其致一也有辯無辯

所言不能異故是非紛紜莫知所定○擊

苦豆反李音穀司馬云鳥子欲出者也

道惡乎隱而有是非道焉不在言何隱蔽而有

有真偽言惡乎隱而有是非真偽是非之名紛然而起

○惡音烏下皆同真偽一本作

真詭崔本作真然焉於虔反

道惡乎往而不存存皆言

惡乎存而不可皆道隱於小成言隱於榮華

夫小成榮華自隱於

道而道不可隱則真偽是非者行於榮華而止於實當見於小成而滅於大全也○當丁浪反後可以意求不

復重出見賢遍反

故有儒墨之是非以是其所非而非其所是

儒墨更相是非而天下皆儒墨也故百家並起各私所見而未始出其方也○更音庚

欲是其所

非而非其所是則莫若以明

夫有是有非者儒墨之所是也無是無非者儒墨之所

所非也今欲是儒墨之所非而非儒墨之所是者乃欲明無是無非也欲明無是無非則莫若還以儒墨反覆相明反覆相明則所是者非是而所非者非非矣非非則無非非是則無是○覆芳服反下同

彼物無非是

物皆自是故無非是物皆相彼故無非彼無非彼則天下無是矣無非是則天下無

彼矣無彼無是所以玄同也

自彼則不見自知則知之故曰彼出於

是是亦因彼

夫物之偏也皆不見彼之所見而獨自知其所知自知其所知則自以為是自以為

是則以彼為非矣故曰彼出於是是亦因彼彼是相因而生者也

彼是方生之說也雖

然方生方死方死方生方可方不可方可因是

因非因非因是

夫死生之變猶春秋冬夏四時行耳故生死之狀雖異其於各安所遇一也今

生者方自謂生為生而死者方自謂生為死則無生矣生者方自謂死為死而死者方自謂死為生則無死矣

無生無死無可無不可故儒墨之辨吾所不能同也至於各冥其分吾所不能異也是以聖人不

由而照之于天亦因是也

夫懷謬者因天下之是非而自無是非也故不由是非之

塗而是非無患不當者直明其天然而無所奪故也是亦彼也我亦為彼亦是也

彼亦自彼亦一是非此亦一是非此亦自是而非彼彼亦自是而非此此與

彼各有一是一果且有彼是乎哉果且無彼是乎哉欲今

謂彼為彼而彼復自是欲謂是為是而是復為彼彼是所彼故彼是有無未果定也○復扶又反下同

莫得其偶謂之道樞偶對也彼是相對而聖人兩順之故無心者與物冥而未嘗有對於

天下也此居其樞要而會其玄極以應夫無方也○樞尺朱反樞要也應應對之應前注同後可以意求不復

重樞始得其環中以應無窮夫是非反覆相尋無窮故謂之環環中空矣今以是

非為環而得其中者無是無非也無是無窮是亦一無窮非故能應夫是非是非無窮故應亦無窮

非亦一無窮也

天下莫不自是而莫不相非故一是一非兩行無窮惟涉空得中者曠然無懷

乘之以遊也

故曰莫若以明以指喻指之非指不若以非指

喻指之非指也以馬喻馬之非馬不若以非馬喻馬之

非馬也天地一指也萬物一馬也

夫自是而非彼彼我之常情也故以我指

喻彼指則彼指於我指獨為非指矣此以指喻指之非指也若覆以彼指還喻我指則我指於彼指復為非指

矣此以非指喻指之非指也將明無是非非莫若反覆相喻反覆相喻則彼之與我既同於自是又均於相非

均於相非則天下無是同於自是則天下無非何以明其然邪是若果是則天下不得復有非之者也非若果

非亦不得復有是之者也今是非無主紛然殽亂明此區區者各信其偏見而同於一致耳仰觀俯察莫不皆

然是以至人知天地一指也萬物一馬也故浩然大寧
而天地萬物各得其分同於自得而無是無非也○天
地一指也萬物一馬也崔云指百體可乎可即謂之可
之一體馬萬物之一物浩尸老反

不可乎不可

不可於己者即謂之不可

道行之而成

無不

物謂之而

然

無不

惡乎然然於然惡乎不然不然於不然物固有

所然物固有所可

各然其所然各可其所可

無物不然無物不可故

為是舉蓬與楹屬與西施恢恠慤怪道通為一

而夫蓬楹縱橫

屬醜而西施好所謂齊者豈必齊形狀同規矩哉故舉
縱橫好醜恢恠慤怪各然其所然各可其所可則形雖
萬殊而性同得故曰道通為一也○無物不然無物不
可崔本此下更有可於可而不可於不可於不可

而可於可為于偽反下為是皆同送徐音庭李音挺司馬云屋梁也楹音盈司馬云屋柱也厲如字惡也李音

賴司馬云病癩西施司馬云夏姬也案勾踐所獻吳王美女也恢徐苦回反大也郭苦虺反簡文本作弔恍九

委反徐九彼反李云戾也情怪音決李其分也成也物云悞乖也怪異也縱本亦作從將容反

或此以為散而彼其成也毀也彼或謂之毀而凡物無以為成○分如字

成與毀復通為一夫成毀者生於自見而不見彼也故無成與毀猶無是與非也○復扶又

反惟達者知通為一為是不用而寓諸庸庸也者用也

用也者通也通也者得也夫達者無滯於一方故忽然自忘而寄當於自用自用者

莫不條暢適得而幾矣幾盡也至理盡於自得也○因而自得也幾音機盡也下同徐具衣反

是已

達者因而不作

已而不知其然謂之道

夫達者之因是豈知因為善而因之

哉不知所以因而自因耳故謂之道也○謂之道

向郭絕句崔讀謂之道勞云因自然是道之功也勞神

明為一而不知其同也謂之朝三何謂朝三曰狙公賦

芋曰朝三而莫四衆狙皆怒曰然則朝四而莫三衆狙

皆悅名實未虧而喜怒為用亦因是也

夫達者之於一豈勞神哉若勞

神明於為一不足賴也與彼不一者無以異矣亦同衆狙之或因所好而自是也○狙公七徐反又緇慮反司

馬云狙公與狙官也崔云養後狙者也李云老狙也廣雅云狙獼猴芋音序徐食汝反李音予司馬云橡子也

朝三莫四司馬云朝三升莫四升也好呼報反下文皆同是以聖人和之以是非而

休乎天鈞

○莫之偏任故付之自均而止也
鈞本又作均崔云鈞陶鈞也

是之謂兩行

任天下
之是非

古之人其知有所至矣惡乎至有以為未始有

物者至矣盡矣不可以加矣

此忘天地遺萬物外不察乎宇宙內不覺其一身故

能曠然無累與物俱往而無所不應也

其次以為有物矣而未始有封也

雖未都忘猶能忘其彼此

其次以為有封焉而未始有是非也

雖未

能忘其彼此猶能忘彼此之是非也

是非之彰也道之所以虧也

無是非乃全也道

之所以虧愛之所以成

道虧則情有所偏而愛有所成未能忘愛釋私立同彼我也

果且有成與虧乎哉果且無成與虧乎哉

有之與無斯不能知乃至

有成與虧故昭氏之鼓琴也無成與虧故昭氏之不鼓

琴也

夫聲不可勝舉也故吹管操弦雖有繁手遺聲多矣而執籥鳴弦者欲以彰聲也彰聲而聲遺不彰

聲而聲全故欲成而虧之者昭文之鼓琴也不成而無虧者昭文之不鼓琴也○勝音升操七刀反籥羊灼反

昭文司馬云古善琴者

昭文之鼓琴也師曠之技策也惠子之據

梧也三子之知幾乎

幾盡也夫三子者皆欲辨非已所明以明之故知盡慮窮形勞神倦

或技策假寐或據梧而暝○技策司馬云技杜也策杖也崔云舉杖以擊節梧音吾司馬云梧琴也崔云琴瑟

也知音智反皆其盛者也故載之末年

爾其盛故能久不爾早困也○故載

之末年崔云書之於今也惟其好之也以異於彼

言此三子惟獨好其所明自以殊於

衆其好之也欲以明之

明示衆人欲使同乎我之所好

彼非所明而明

之故以堅白之昧終

是猶對牛鼓簧耳彼竟不明故已之道術終於昧然也

○堅白司馬

云謂堅石白馬之辨也又云公孫龍有卒劍之法謂之堅白崔同又云或曰設矛伐之說為堅辨白馬之名為

白黃音黃

而其子又以文之綸終終身無成

昭文之子又乃終文之緒亦卒

不成○綸音倫崔云琴瑟弦也

若是而可謂成乎雖我亦成也

此三子雖求明

於彼彼竟不明所以終身無成若三子而可謂成則雖我之不成亦可謂成也

若是而不可謂

成乎物與我無成也

謂物皆自明而不明彼若彼不明即謂不成則萬物皆相與無成矣故

聖人不顯此以耀彼不捨己而逐物從而任之各冥其所能故曲成而不遺也今三子欲以己之所好明示於

彼不亦妄乎 是故滑疑之耀聖人之所圖也為是不用而寓

諸庸此之謂以明

夫聖人無我者也故滑疑之耀則圖而域之恢憺悒悒則通而一之使羣

異各安其所安衆人不失其所是則已不用於物而萬物之用用矣物皆自用則孰是孰非哉故雖故蕩之變屈奇之異曲而從之寄之自用則用雖萬殊歷然自明○滑古沒反司馬云亂也屈求物反 今且有

言於此不知其與是類乎其與是不類乎類與不類相

與為類則與彼無以異矣

今以言無是非則不知其與言有者類乎不類乎欲謂之

類則我以無為是而彼以無為非斯不類矣然此雖是非不同亦固未免於有是非也則與彼類矣故曰類與不類又相與為類則與彼無以異也然則將大不類莫若無心既遣是非又遣其遣遣之又遣之以至於無遣

然後無違無不違

雖然請嘗言之

至理無言言則與類故試寄言之

有

始也者

有始則有終

有未始有始也者

謂無終始而一死生

有未始有

夫未始有始也者

夫一之者未若不一而自齊斯又忘其一也

有有也者

有

則美惡是非具也

有無也者

有無而未知無也則猶未離懷

○好惡並如字離力智

反有未始有無也者

知無無矣而猶未能無知

有未始有夫未始有

無也者俄而有無矣而未知有無之果孰有孰無也

此都

忘其知也爾乃俄然始了無耳了無則天地萬物彼我是非豁然確斯也○俄徐音義確斯苦角反斯又作漸

音賜李思利反

今我則已有謂矣

謂無是非即復有謂○復扶又反

而未知吾

所謂之其果有謂乎其果無謂乎

又不知謂之有無爾乃蕩然無纖芥於宵

中也○芥古

邁反又音界

天下莫大於秋豪之末而大山為小莫壽

乎殤子而彭祖為夭天地與我並生而萬物與我為一

以夫

形相對則大山大於秋豪也若各據其性分物冥其極則形大未為有餘形小不為不足苟各足於其性則秋豪不獨小其小而大山不獨大其大矣若以性足為大則天下之足未有過於秋豪也若性足者非大則雖大山亦可稱小矣故曰天下莫大於秋豪之末而大山為小大山為小則天下無大矣秋豪為大則天下無小矣無小無大無壽無夭是以螻蛄不羨大椿而欣然自得斥鴳不貴天池而榮願以足苟足於天然而安其性命故雖天地未足為壽而與我並生萬物未足為異而與我同得則天地之生又何不並萬物之得又何不一哉

○秋豪如字依字應作毫司馬云兔毫在秋而成王逸
任楚辭云銳毛也案毛至秋而栗細故以喻小也大山
晉泰殤子短命者也或
云年十九以下為殤 既已為一矣且得有言乎萬物

同於自得其一也既已謂之一矣且得無言乎夫名
已自一矣理無所言

於不明者也物或不能自明其一而以此逐一與言為
彼故謂一以正之既謂之一即是有言矣

二二與一為三自此以往巧歷不能得而況其凡乎夫

言言一而一非言也則一與言為二矣一既一矣言又
二之有一有二得不謂之三乎夫以一言言一猶乃成

三況尋其支流凡物殊稱雖有善數莫之能紀也故一
之者與彼未殊而忘一者無言而自一○稱尺證反數

色主故自無適有以至於三而況自有適有乎夫一無
反言也而

有言則至三沈尋其末數其可窮乎無適焉因是已各止於其所夫道未

始有封

宜然無不在也夫道未始有封崔云齊物七章此連上章而班固說在外篇

言未始

有常

彼此言之故是非無定主

為是而有畛也

道無封故萬物得恣其分域○為于偽反

吟徐之忍反郭李音真謂封域畛陌也

請言其畛有左有右

各異便也○有左有右崔

本作有在宥有倫有義

物物有理事事有宜○有倫有義崔本作有論有議

有分

有辯

羣分而類別也○分如字注同別彼列反下皆同

有競有爭

並逐曰競對辨曰爭○爭

爭關之此之謂八德

略而判之有此八德

六合之外聖人存而不

論

夫六合之外謂萬物性分之表耳夫物之性表雖有理存焉而非性分之内則未嘗以感聖人也故聖人

未嘗論之若論之則是引萬物使學其所不能也故不論其外而八珍同於自得也六合之內聖

人論而不議陳其性而安之春秋經世先王之志聖人議而不

辯順其成迹而擬乎至當之極故分也者有不分也辯

也者有不辯也夫物物自分事事自別而欲由已以分別之者不見彼之自別也○分如字下

及注曰何也聖人懷之以不辯為懷衆人辯之以相示

也故曰辯也者有不見也不見彼之自辯故夫大道不

稱付之自稱無所稱謂大辯不言已自大仁不仁無愛

也存大廉不嗛夫至足者物之去來非我也故無所大勇

不悵

無往而不順故能無險而不往○悵徐之政反又音鼓李之移反害也李云健也

道昭而

不道

以此明彼彼此俱失矣○昭音照

言辯而不及

其不能及

仁常而不

成

物無常變而常變必不周

廉清而不信

激然廉清貪名者耳非真廉也

勇悵而不

成

悵逆之勇天下共疾之無敢舉足之地也

五者園而幾向方矣

此五者皆以有為傷

當者也不能止乎本性而求外無已夫外不可求而求之譬猶以圓學方以魚慕鳥耳雖希翼驚鳳擬規日月

此愈近彼愈遠實學彌得而性彌失故齊物而徧尚之累去矣○國崔音利徐五九反司馬云圓也郭音圓幾

徐其衣反向方本亦作嚮音同皆放此近附近之近遠于萬反故知止其所不知至

矣

所不知者皆性分之外也故止於所知之內而至也

孰知不言之辯不道之道

若有能知此之謂天府

浩然都任之也

注焉而不滿酌焉而不

竭

至人之心若鏡應而不藏故曠然

而不知其所由來

至理之來自然無迹此之謂葆光

任其自明故其光不弊也○葆光音保崔云若有若無謂之葆

光故昔者堯問於舜曰我欲伐宗膾胥敖南面而不釋

然其故何也

於安任之道未弘故聽朝而不怡也將寄明齊一之理於大聖故發自怪之問以起

對也○膾徐古外反胥息徐反華胥國教徐五高反司馬云宗膾胥教三國名也崔云宗一也膾二也胥教三

也朝直舜曰夫三子者猶存乎蓬艾之間

夫物之所安無陋也則蓬

艾乃三子之妙處也○處昌慮反

若不釋然何哉昔者十日並出萬物

皆照

夫重明登天六合俱照無有蓬艾而不光被也○重直龍反被皮寄反

而況德之進

乎日者乎

夫日月雖無私於照猶有所不及德則無不得也而今欲奪蓬艾之願而伐使從已於至

道豈弘哉故不釋然神解耳若乃物暢其性各安其所安無遠近幽深付之自若皆得其極則彼無不當而我

無不怡也

○解音蟹 齧缺問乎王倪曰子知物之所同是乎曰吾

惡乎知之

所同未必是所異不獨非而彼我莫能相正故無所用其知○齧五結反缺丘悅反王倪

徐五嵇反李音詣高士傳云王倪堯時賢人也天地篇云齧缺之師惡音烏下皆同子知子之所

不知邪曰吾惡乎知之

若自知其所不知即為有知然有知則不能任羣才之自當

則物無知邪曰吾惡乎知之

都無不知乃曠雖然嘗試言然無不任矣

之以其不知故未敢庸詎知吾所謂知之非不知邪游魚

正言試言之耳

於水水物所同咸謂之知然自魚觀之則向所謂知者

復為不知矣夫蝮蟻之知非於轉丸而笑蝮蟻者乃以

蘊合為貴故所同之知未可正據○庸詎徐本作巨其

庶反郭音鉅李云庸用也詎何也猶言何用也服虔云

詎猶未也復扶又反蝮丘一反庸詎知吾所謂不知之

蠅丘良反爾雅云蝮蟻蟻娘也

非知邪

所謂不知者直是不知且吾嘗試問乎女

其正故

試問女○女音汝注及下同已音紀

民溼寢則腰疾偏死鰭然乎哉木處

則惴慄恂懼援猴然乎哉三者孰知正處

此畧舉三者以明萬物之

異便○偏死司馬云偏枯死也鰭徐音秋司馬云魚名

惴之瑞反慄音栗恂郭音荀徐音峻恐貌崔云戰也班

固作胸也。獾音獾。猴音侯。便婢面反。

民食芻豢麋鹿食薦。螂且甘帶。鴝鵒。

耆鼠四者孰知正味。

此畧舉四者以明美惡之無主。○芻初俱反。小爾雅云：杆謂之芻。杆

音古。但反。豢徐音患。又胡滿反。司馬云：牛羊曰芻。犬豕曰豢。以所食得名也。麋音眉。薦牋練反。司馬云：美草也。

崔云：甘草也。郭璞云：三蒼云：六畜所食曰薦。螂音即。且

字或作蛆。子徐反。李云：螂且，蟲名也。廣雅云：蜈蚣也。爾

雅云：蕨，藜音藜。帶如字。崔云：蛇也。似蝗，大腹長角，能食蛇。腦，蕨音疾。藜音藜。帶如字。崔云：蛇也。司馬云：小蛇也。螂蛆好

食其眼。鴝，尺夷反。鴝本亦作鴝。於加反。崔云：烏也。耆市志反。字或作嗜。崔本作甘。惡烏路反。獾獾狙

以為雌麋與鹿交。鰕與魚游。毛嬙麗姬人之所美也。魚

見之深入。鳥見之高飛。麋鹿見之決驟。四者孰知天下

之正色哉

此畧舉四者以明天下所好之不同也。不同者而非之則無以知所同之必是。○獾篇而

反徐敷面反又敷畏反郭李音徂徂七餘反司馬云徂一名獾獾似獾而狗頭憲與雌獾交也崔云獾徂一名

獾獾其雄憲與獾雌為牝牡向云獾徂以獾為雌也獾音葛雌音妻一音如字毛牆徐在良反司馬云毛牆古

笑人一云越王笑姬也麗姬力知反下同麗姬晉獻公之嬖以為夫人崔本作西施決喜缺反李云疾貌崔云

疾走不顧為決徐古惠反郭音古穴反驟上救反又在邁反好呼報反自我觀之仁義之

端是非之塗樊然殽亂吾惡能知其辯

夫利於彼者或害於此而天下

之彼我無窮則是非之竟無常故惟莫之辯而任其自是然後蕩然俱得○樊音煩殽徐戶交反郭作散悉且

反之竟音境今本齧缺曰子不知利害則至人固不知或作境下放此

利害乎

未能妙其不知故猶嫌至人當知之斯懸之未解也○解音蟹

王倪曰至人神

矣

無心而無不順

大澤焚而不能熱河漢沍而不能寒疾雷破

山風振海而不能驚

夫神全形具而體與物冥者雖涉至變而未始非我故蕩然無蕘介

於胃中也○沍戶故反徐又戶各反李戶格反向曰東也崔云沍猶涸也蕘勅邁反又音牙介古邁反又音界

若然者乘雲氣

寄物而行非我動也

騎日月

有晝夜而無死生也

而遊乎四

海之外

夫惟無其知而任天下之自為故馳萬物而不窮也

死生無變於已

與變為體

故死生若一

而況利害之端乎

況利害於死生愈不足以介意

瞿鵲子問乎

長梧子曰吾聞諸夫子聖人不從事於務

務自來而理自應耳非從

而事之也○瞿其俱反長梧子李云居長梧下因以為名崔云名丘簡文云長梧封人也夫子向云瞿鵠之師

不就利不違害

任而直前無所避就

不喜求

求之不喜直取不怒

不緣道

獨至

也無謂有謂有謂無謂

凡有稱謂者皆非吾所謂也彼各自謂耳故無彼有謂而有此

無謂也稱尺而遊乎塵垢之外

凡非真性皆塵垢也

夫

子以為孟浪之言而我以為妙道之行也吾子以為奚

若長梧子曰是黃帝之所聽熒也而丘也何足以知之

且女亦大早計見卵而求時夜見彈而求鴉炙

夫物有自然理

有至極循而直往則冥然自合非所言也故言之者孟浪而聞之者聽熒雖復黃帝猶不能使萬物無懷而聽

熒至竟故聖人付當於塵垢之外而玄合乎視聽之表
照之以天而不逆計放之自爾而不推明也今瞿鵠子
方聞孟浪之言而便以為妙道之行斯亦無異見卯而
責司晨之功見彈而求鴉炙之實也夫不能安時處順
而探變求化當生而慮死執是以辯非皆逆計之徒也
○孟如字徐武黨反或武葬反浪如字徐力蕩反向云
孟浪音漫濶無所趣舍之謂李云猶較畧也崔云不精
要之貌行如字又下孟反皇帝本又作黃帝聽勅定反
熒音瑩磨之瑩本亦作瑩於迥反向司馬云聽熒疑惑
也李云不光明貌崔云小明不大了也向崔本作輝榮
女音汝下同大音太徐李勅佐反注同時夜崔云時夜
司夜謂雞也彈徒旦反鴉于驕反司馬云小鳩可炙毛
詩草木疏云大如班鳩綠色其肉甚美復扶又反下皆同下章注亦準此
予嘗為女妄言之
妄言之則孟浪也故試
女以妄聽之奚
若正聽妄言復為
大早計也故亦妄

聽之何旁日月挾宇宙

以死生為晝夜旁日月之喻也以萬物為一體挾宇宙之譬也○旁

薄葬反徐扶葬反司馬云依也崔本作誇挾戶牖反崔本作扶宇宙治救反尸子云天地四方曰宇往古來今

曰宙說文云舟與所極覆曰宙為其脗合置其滑濬以隸相尊

以有所賤故尊

卑生焉而滑濬紛亂莫之能正各自是於一方矣故為脗然自合之道莫若置之勿言委之自爾也脗然無被

際之謂也○脗本或作脗郭音泯徐武軫反李載粉反無波際之貌司馬云合也向音脣云若兩脣之相合也

滑徐古沒反亂也向本作汨音同崔戶八反云括口木也滑徐音昏向云汨昏未定之謂崔本作繕武巾反云

繩也衆人役役聖人愚也

聖人愚也貌○然無知而直往之貌○也徐徒奔反郭

治本反司馬云渾沌不分察也崔云厚貌也或云束也李丑倫反

參萬歲而一成純者

不雜者也夫舉萬歲而參其變而衆人謂之雜矣故役然勞形怵心而去彼就此惟大聖無執故茫然直往而與變化為一變化而常遊於獨者也故雖參糅億載千殊萬異道行之而成則古今一成也物謂之而然則萬物一然也○怵勑律反糅如救反萬物盡然無物而斯可謂純也○

以是相蘊

萬物則萬物盡然也故不知死生先後之所

在彼我勝負之所如也○蘊本亦作縕徐於憤反郭於本反李於問反積也

予惡乎知說生

之非惑邪

死生一也而獨說生欲與變化相背故未知其非惑也○惡音烏下惡乎皆同說音悅注

同背音佩予惡乎知惡死之非弱喪而不知歸者邪

其故居

名為弱喪夭弱喪者遂安於所在而不知歸於故鄉也焉知生之非夫弱喪焉知死之非夫還歸而惡之哉○

惡死鳥路反注同喪息浪反注

麗之姬艾封人之子也

晉國之始得之也涕泣沾襟及其至於王所與王同筐

牀食芻豢而後悔其泣也

一生之內情變若此當此之日則不知彼況夫死生之變

惡能相知哉○至於王所崔云六國時諸侯僭稱王因此謂獻公為王也筐本亦作匡徐起狂反牀徐音床司

馬云筐牀安牀也崔云

予惡乎知夫死者不悔其始之

斷生乎

斷求也新音祈

○夢飲酒者旦而哭泣夢哭泣者旦而

田獵

此寤寐之事變也事苟變情亦異則死生之願不得同矣故生時樂生則死時樂死矣死生雖異其

於各得所願一也則何係哉樂音洛下同

方其夢也不知其夢也

由此觀之當死之時

亦不知其死而自適其志也

夢之中又占其夢焉

夫夢者乃復夢中占其夢則無以異

於寤覺而後知其夢也

當所遇無不足也何為方生而憂死哉○覺音教下及注皆同

且有大覺而後知此其大夢也

夫大覺者聖入也大覺者乃知大患慮在懷者

皆未

而愚者自以為覺竊竊然知之君乎牧乎固哉

夫

者大夢而自以為寤故竊竊然以所好為君上而所惡為牧固欣然信一家之偏見可謂固陋矣○竊竊司馬

云猶察察也牧乎崔本作跂乎云跂跂強羊貌好時報反注同惡鳥路反

丘也與女皆夢也

未能忘言而神解故非

予謂女夢亦夢也

即復夢中之占夢也夫是

以為夢猶未寤也況

是其實也其名為弔詭

夫非常之談故非常

人之所知故謂之弔當卓詭而不識其懸
解○弔如字音的至也詭九委反異也
萬世之後而

一遇大聖知其解者是旦暮遇之也
言能蛻然無係而
玄同死生者至希

也○解音蟹徐戶解
反虺音恍又始銳反
既使我與若辯矣若勝我我不若

勝若果是也我果非也邪我勝若若不吾勝我果是也

而果非也邪
若而皆
汝也
其或是也其或非也邪其俱是也

其俱非也邪我與若不能相知也則人固受其黠闇吾

誰使正之
不知而後推不見而後辯辯之而不足以自
信以其與物對也辯對終日黠闇至竟莫能

正之故當付之自正耳○黠
闇貪闇反李云黠闇不明說使同乎若者正之既與若

之使同乎我者正之既同乎我矣惡能正

之此是之不足信也使異乎我與若者正之既異乎

我與若矣惡能正之異故相非耳使同乎我與若者正

之既同乎我與若矣惡能正之是若果是則天下不得有非之者也非若信

非則亦無非有是之者也今是其所同而非其所異

異則既異而是非無主故夫是非者生於好辯而休乎

然則我與若與人俱不能相知也而待

以天倪大倪者自然之分也○和如字崔胡卧反天倪何謂和之

作實音同際也
班固曰天研

曰是不是然不然是若果是也則定之

異乎不是也亦無辯然若果然也則然之異乎不然也

亦無辯

是非然否彼我更對故無辨無辨故和之以化
天倪安其自然之分而已不待彼以正此

化

聲之相待若其不相待

是非之辯為化聲夫化聲之相待俱不足以相正故若不相待

也和之以天倪因之以曼衍所以窮年也

和之以自然之分任其無

極之化尋斯以往則是非之境自泯而性命之致自窮也○曼徐音萬郭武牛反衍徐以戰反司馬云曼衍無

極忘年忘義振於無竟故寓諸無竟

夫忘年故玄同死生忘義故彌貫是

非是非死生蕩而為一斯至理也至理暢於無極故寄之者不得有窮也○振如字崔云止也又之忍反竟如

字極也
崔作境

罔兩問景曰曩子行今子止曩子坐今子起何

其無特操與

罔兩景外之微陰也○罔兩向云景之景也崔本作罔浪云有無之狀景映永反又

如字本或作影裕也曩徐乃蕩反李云鄉者也無特本或作持崔云特辭也向云無特者行止無常也與音餘

景曰吾有待而然者邪

言天機自爾坐起無待無待而獨得者孰知其故而責其所以

哉吾所待又有待而然者邪

則若責其所待而尋其所由則尋責無極卒至於無待

而獨化之理明矣

吾待蛇蚺蜩翼邪

若待蛇蚺蜩翼則無特操之所由未為難識也今所

以不識正由不待斯類而獨化故耳○蛇蚺音附徐又音敷司馬云謂蛇腹下齟齬可以行者也齟音士女反

齟音魚女反蜩音條

惡識所以然惡識所以不然

世或謂罔兩待景景待形形待

造物者請問夫造物者有邪無邪無也則胡能造物哉
有也則不足以物衆形故明乎衆形之自物而後始可
與言造物耳是以涉有物之域雖復周而未有不獨化
於玄冥者也故造化者無主而物各自造物各自造而
無所待焉此天地之正也故彼我相因形景俱生雖復
玄合而非待也明斯理也將使萬物各反所宗於體中
而不待乎外外無所謝而內無所矜是以誘然皆生而
不知所以生同焉皆得而不知所以得也今周兩之因
景猶云俱生而非待也則萬物雖聚而共成乎天而皆
歷然莫不獨見矣故罔兩非景之所制而景非形之所
使形非無之所化也則化與不化然與不然從人之與
由己莫不自爾吾安識其所以哉故任而不助則本末
內外暢然俱得泯然無迹若乃責此近因而忘其自爾
宗物於外喪主於內而愛尚生矣雖欲推而齊之然其
所尚已存乎胃中何夷昔者莊周夢為胡蝶栩栩然胡
之得有哉○喪息浪反

蝶也自喻適志與

反司馬崔云蛺蝶也○胡蝶徐徒協

喜貌崔本作翾喻李云喻快也與音餘下同崔云與哉

不知周也

方其夢為胡蝶而不知周則與

殊死而不異也然所在無不適志則當生而係生者必當死而應死矣由此觀之知夫在生而哀死者誤也俄

然覺則遽遽然周也

○自周而言故稱覺耳未必非夢也○覺古孝反○遽徐音渠又其慮

反李云有形貌崔作據據引大宗師云據然覺不知周之夢為胡蝶與胡蝶之

夢為周與

今之不知胡蝶無異於夢之不知周也而各適一時之志則無以明胡蝶之不夢為周矣

世有假寐而夢經百年者則無以明胡蝶之不夢為周矣

明今之百年非假寐之夢者也周與胡蝶則必有分

矣


夫覺夢之分無異於死生之辯也今所以自喻適志由其分定非由無分也

此之謂物化

夫時不輟棹而今不遂存故昨日之夢於今化矣死生之變豈異於此而勞心於其間哉方為此則不知彼夢也而愚者竊竊然自以為知生之可樂死之可苦未聞物化之謂也

○樂音洛

莊子卷一



總校官庶吉士臣張能照

校對官中書臣石鴻緒

謄錄監生臣張五誥

欽定四庫全書薈要

子部
莊子卷二



詳校官主事臣陳木

莊子卷二

晉 郭象 註

唐 陸德明 音義

內篇養生主第三

夫生以養存則養生者理之極也若乃養過其極以養傷生非

養生之主也○音義
由養生以此為主也

吾生也有涯

所稟之分各有極也

○而知也無涯

夫舉

輕而神氣自若此力之所限也而尚名好勝者雖復絕
臂猶未足以慊其願此知之無涯也故知之為名生於
失當而滅於冥極冥極者任其至分而無豪銖之加是
故雖負萬鈞苟當其所能則忽然不知重之在身雖應

萬機泯然不覺事之在己此養生之主也○知音智注
下同好呼報反勝升證反復扶又反下皆同替音旅慊
苦筆反以有涯隨無涯殆已以有限之性尋無極之知
足也安得而不困哉○殆已向

云疲困已而為知者殆而已矣已困於知而不知止又
之謂為知以救之斯養而傷

之者真為善無近名為惡無近刑忘善惡而居中任萬
大殆也物之自為悶然與至

當為一故刑名遠已而全理在身也○近附緣督以為
近之近下同悶亡本反又音門遠于萬反

經順中以為常也○緣督以為經李可以保身可以全
云緣順也督中也經常也郭崔同

生可以養親養親以適○養可以盡年苟得中而冥度
羊尚反注同

也夫養生非求過分則事事無不可
蓋全理盡年而已矣庖丁為文惠君解牛手之所觸肩

之所倚足之所履膝之所跼砉然騞然奏刀騞然莫不

中音合於桑林之舞乃中經首之會

言其因便施巧無不開解盡理之甚

既適牛理又合音節○庖丁崔本作胞同白交反庖人

丁其名也管子有屠牛坦一朝解九牛力可剗毛為子

偽反文惠君崔司馬云梁惠王也倚徐於綺反向偃彼

反徐又於佇反李音妖綺徐居彼反向魚彼反李云刺

也砉然向呼騞反徐許騞反崔音畫又古騞反李又呼

歷反司馬云皮骨相離聲騞然許文反郭許亮反本或

無然字奏如字崔云聞也騞呼獲反徐許臂反向他亦

反又音麥崔云音近獲聲大於砉也中丁仲反下皆同

桑林司馬云湯樂名崔云宋舞樂名案即左傳舞師題

以旌夏是也經首向司馬云咸池樂章也崔云樂章名

也或云奏樂名便

文惠君曰嘻善哉技蓋至此乎庖丁

婢面反解音蟹

釋刀對曰臣之所好者道也進乎技矣

直寄道理於技

也○謫徐音熙李云歎聲也技其詞反下同好呼報反注同

始臣之解牛之時所見

無非牛者

未能見其理間

三年之後未嘗見全牛也

但見其方

今之時臣以神遇而不以目視

闇與理會○神遇向云

官知止而神欲行

司察之官廢縱心而順理○官知如

專所司察而後動謂之官智而神欲行如

依乎天理

橫不

也批大

鋪達反字林云擊也父迷父節二反卻徐去

批備結反一音

逆反郭音却崔李云間也處昌

導大窾

節解窾空就導

處反令力呈反下同離力智反

注同竅苦管反又苦禾反崔郭因其固然刀不技經肯

司馬云空也向音空解戶買反

蔡之未嘗○技之妙也常遊刃於空未嘗經槩於微礙也

說文作冑字林同口乃反云著骨肉也一曰骨無肉也

崔云許叔重曰骨間肉肯肯著也蔡苦挺反崔向徐並

音啓李烏係反又一音聲司馬云而況大輒乎輒戾大

猶結處也槩古代反礙五代反骨也良庖歲更刀割也不中

刀也○大輒音孤向云輒戾大

骨也崔云槩結骨蚶女六反

間也○良庖司馬云良善也割司馬云以刀

割肉故歲歲更作崔云歲一易刀猶堪割也族庖月更

刀折也

中骨而折刀也○族庖司馬云族離也崔云族衆也

今臣之刀十九年矣

所解數千牛矣而刀刃若新發於硎

硎砥石也○硎音刑磨石也崔本作

形云新所受形也砥音脂又之履反尚書傳云砥細於礪皆磨石也彼節者有間而刀刃

者無厚以無厚入有間恢恢乎其於遊刃必有餘地矣

是以十九年而刀刃若新發於硎雖然每至於族吾見

其難為交錯聚怵然為戒視為止○不復屬目於他物也

行為遲徐其手也動刀甚微譟然已解得其宜則用力少○

反解音蟹如土委地理解而無刀迹若聚土也提刀而立為之四顧

為之躊躇滿志逸足容豫自得之謂○提徐善刀而藏

之拭刀而攷之也○善刀善文惠君曰善哉吾聞庖丁

之言得養生焉

以刀可養故知生亦可養

公文軒見右師而驚曰是

何人也惡乎介也

介偏刑之名○公文軒司馬云姓公文氏名軒宋人也右師司馬云宋人

也簡文云官名惡音烏介音戒一音兀司馬云刑也向郭云偏刑也崔本作兀又作既云斷足也刑音月又五

反天與其人與

知之所無奈何天也犯其所知人也○天與其人與並音餘又皆如字司馬云

為天命為人事也

曰天也非人也天之生是使獨也

偏刑曰獨夫師一家

之知而不能兩存其足則是知其無所奈何若以右師之知而必求兩全則心神內困而形骸外弊矣豈直偏

刑而已哉○獨司馬云一人之貌有與也

兩足共行曰有與有與之

貌未有疑以是知其天也非人也

以有與者命也是故知獨者亦非我也

達生之情者不務生之所無所為達命之情者不務命之所無奈何也全其自然而已 澤雉十步

一啄百步一飲不斲畜乎樊中

斲求也樊所以籠雉也夫俯仰乎天地之間道

遙乎自得之場固養生之妙處也又何求於入籠而服養哉○咏陽角反斬音祈求也樊中音煩李云藩也所

以籠雉也向郭同崔以為園中也處昌慮反

神雖王不善也

夫始乎適而未嘗不適者忘適

也雖心神長玉志氣盈豫而自放於清曠之地忽然不覺善之為善也○王于況反注同長丁亮反又置良反

老聃死秦失弔之三號而出

人弔亦弔人號亦號○老聃吐藍反司馬云老子也

失本又作佚各依字讀亦皆音逸號戶焦反注同

弟子曰非夫子之友邪

怪其不倚

戶觀化乃至三號也○倚於綺反

曰然然則弔焉若此可乎曰然

至人無情

與衆號耳故
若斯可也

始也吾以為其人也而今非也向吾入而

弔焉有老者哭之如哭其子少者哭之如哭其母彼其

所以會之必有不斲言而言不斲哭而哭者

嫌其先物施惠不在

理上往故致此甚愛也○少詩照反

是邈天倍情忘其

所受

天性所受各有本分不可逃亦不可加○邈天徒逃反又作遁倍音裴加也又布對反本又作背

古者謂之邈天之刑

感物太深不止於當邈天者也將馳驚於憂樂之境雖楚戮未加而

性情已用庸非刑哉○大

適來夫子時也

時自

適去夫

子順也

理當死也

安時而處順哀樂不能入也

夫哀樂生於失得也今玄

通合變之士無時而不安無順而不處冥然與造化為一則無往而非我矣將何得何失孰死孰生哉故任其

所受而哀樂無所錯其間矣○錯七路反古者謂是帝之縣解縣以有係者為

縣解也縣解而性命之情得矣此養生之要也○指窮縣音玄解音蟹注同崔云以生為縣以死為解

於為薪火傳也窮盡也為薪猶前薪也前薪以指指盡前薪之理故火傳而不滅心得納養之

中故命續而不絕明夫養生乃生之所以生也○指窮於為薪如字絕句為猶前也傳直專反注同也傳者相

傳繼續也崔云薪火燭火也傳延也中丁仲反不知其盡也夫時不再來今不

一息一得耳向息非今息故納養而命續前火非後火故為薪而火傳火傳而命續由夫養得其極也世豈知

其盡而更生哉

莊子內篇人閒世第四

與人羣者不得離人然人間之變故世世異宜惟無心而不自

用者為能隨變所適而不荷其累也○音義曰此人間見事世所常行者也離力智反荷胡我反又音何累力反偽

顏回見仲尼請行曰奚之曰將之衛曰奚為焉曰回聞

衛君其年壯其行獨

不與民同欲也○顏回孔子弟子姓顏名回字子淵魯人也衛君司

馬云衛莊公蒯聵也案左傳衛莊公以魯哀十五年冬始入國時顏回已死不得為莊公蓋是出公輒也行下

孟反獨崔云自專也向云與人異也

輕用其國

夫君人者動必乘人一怒則伏尸流血一喜則軒冕

塞路故君人者之用國不可輕也

而不見其過

莫敢諫也

輕用民死

輕用之於死也

死者以國量乎澤若焦

舉國而輸之死地不可稱數視之若草芥也○量音亮李力章

反焦似遙反徐在堯反向云草芥也崔云芟刈也其澤如見芟夷言野無青草數所主反民其無如

矣無所依歸回嘗聞之夫子曰治國去之亂國就之醫門多

疾願以所聞思其則庶幾其國有瘳乎仲尼曰謏若殆

往而刑耳

其道不足以救彼患治直吏反醫於其反思其則絕句崔李云則法也瘳丑由反李云愈

也謏音熙又於其反

夫道不欲雜

宜正得其人

雜則多多則擾擾則憂

憂而不救

若夫不得其人則雖百醫守病適足致疑而不能一愈也

古之至人先存

諸已而後存諸人

有其具然後可以接物也

所存於已者未定何暇

至於暴人之所行

不虛心以應物而役思以犯難故知其
所存於已者未定也夫惟外其知

以養真寄妙當於羣才功名歸物而患慮遠身然後可
以至於暴人之所行也○思患嗣反遠于萬反重意記
大學君子有諸已而后求諸人無諸已而后非
諸人所藏乎身不想而能喻諸人者未之有也且若亦
知夫德之所蕩而知之所為出乎哉德蕩乎名知出乎

爭

德之所以流蕩者矜名故也知之所以橫出者爭善
故也雖復禁跖其所矜惜無非名善也○知音智下

及注同為于偽反爭善此及下爭名二字依字讀復
扶又反下皆同禁跖之石反禁夏王也跖盜跖也名

也者相軋也知也者爭之器也二者凶器非所以盡行

也夫名知者世之所用也而名起則相軋知用則爭興
故遺名知而后行可盡也○札徐於八反又側列反

李云折也崔云天也亦作軋
崔又云或作禮相賓禮也

且德厚信未達人氣名

聞不爭未達人心而彊以仁義繩墨之言術暴人之前

者是以人惡有其美也

夫投人夜光鮮不索劍者未達
故也今回之德信與其不爭之

名彼所未達也而強以仁義準繩於彼彼將謂回欲毀
人以自成也是故至人不役志以經世而虛心以應物

誠信著於天地不爭暢於萬物然後萬物歸懷天地不
逆故德音發而天下響會景行彰而六合俱應而後始

可以經寒暑涉治亂而不與逆鱗逆也○江反
崔音控簡文云慤實貌彊其兩反注同惡有為路反下

惡不肖及注同崔本有作育云責
也鮮息淺反治直吏反逆音誤

命之曰菑人菑人者人

必反菑之

適不信受則謂與己爭名而
反害之○菑音災下皆同

若殆為人菑夫

且苟為悅賢而惡不肖惡用而求有以異苟能悅賢惡

便為明君也苟為明君則不苦無賢臣汝往亦不足復奇如其不爾往必受害故以有心而往無往而可無心

而應其應自來則無往而不可也○夫音符肖音笑徐蘇叫反似也惡用音烏若惟無詔王公

必將乘人而闢其捷汝惟有寂然不言耳言則王公必乘人以君人之勢而角其捷辯以

距諫飾非也○惟郭如字一音唯癸反詔絕句詔告也言也崔本作詔音額云逆擊曰詔王公必將乘人絕句

而闢其捷在接反崔讀若唯無詔王公絕句必將乘人而闢絕句捷作接其接引續也而目將熒

之其言辯捷使人眼眩○熒戶扇而色將平之不能復反向崔本作營音熒眩玄通反

彼口將營之自救解容將形之心且成之乃且釋已以從彼也○容

將形之謂擊蹠也是以火救火以水救水名之曰益多適不能

足以成順始無窮尋常守故未肯變也若殆以不信厚言必死於

暴人之前矣未信而諫雖厚為害且昔者桀殺關龍逢紂殺王子

比干是皆脩其身以下偃拊人之民以下拂其上者也

居下而任上之憂比干非其事也○關龍逢夏桀之賢臣王子比干殷紂之叔父下遐據反偃紂甫反拊徐向

音撫李云偃拊謂憐愛之也崔云違也又芳弗反謂養也拂符弗反崔云違也故其君因其

脩以擠之是好名者也不欲令臣有勝君之名也○擠徐子計反又子禮反司馬云毒

也一云陷也方言云滅也簡文云排也好呼報反令力呈反昔者堯攻叢枝胥敖禹

攻有扈國為虛厲身為刑戮其用兵不止其求實無已

是皆求名實者也而獨不聞之乎

夫暴君非徒求恣其欲乃復求名但所求

者非其道耳○叢才公反扈音戶司馬云國名在始平即案即今京兆鄠縣也虛厲如字又音墟李云居宅無

人曰虛死而無後為厲

名實者聖人之所不能勝也而況若乎

惜名

貪欲之君雖復堯為不能勝化也故與衆攻之而汝乃欲空手而往化之以道哉

雖然若必有

以也嘗以語我來顏回曰端而虛

○正其形而虛其心也語魚豫反下同

勉而一

言遜而不二也

則可乎曰惡惡可

言未可也○惡夫以惡皆音烏下同

陽為充孔揚

言衛君亢陽之性充張於內而甚揚於外強禦之至也

采色不定

喜怒

無常人之所不違

莫之敢逆

因案人之所感以求容與其心

夫頑強之甚人以快事感已已陵藉而乃抑挫之以名求從容自放而遂其侈心也○挫子卧反從七容反

之曰日漸之德不成而況大德乎

言乃少多無將執而回降之勝也

不化

故守其本意也

外合而內不訾其庸詎可乎

外合而內不訾即向之端

虛而勉一耳言此未足以化之○訾向徐音紫崔云毀也

然則我內直而外曲成而

上比

願回更說此三條也○上時掌反下同

內直者與天為徒與天為徒

者知天子之與已皆天之所子而獨以已言斲乎而人

善之斲乎而人不善之邪

物無貴賤得生一也故善與不善付之公當耳一無所求

於人也○
斯音祈若然者人謂之童子是之謂與天為徒

依乎天理

推已性命若嬰兒之直往也外曲者與人之為徒也擊跽曲拳人臣

之禮也人皆為之吾敢不為邪為人之所為者人亦無

疵焉是之謂與人為徒

外形委曲隨人事之所當為也○擊徐其驚反跽徐其里反說

文云長跽也拳音權疵才斯反

成而上比者與古為徒

成於今而其言比於古也

雖教謫之實也

雖是常教有諷責之奇○謫直革反諷非鳳反

古之有也非吾

有也若然者雖直不為病

寄直於古故無病我也

是之謂與古為

徒若是則可乎仲尼曰惡惡可大多政法而不謀

當理無二

而張三條以政之與事不冥也○大音泰徐勣佐反崔本作太謀徐徒叶反向吐賴反李云安也崔云間謀也

雖固亦無罪

雖未弘大亦難然止是耳矣夫胡可以及

化罪則無矣

猶師心者也

扶三術以適彼非無心而顏付之天下也○挾戶牒反顏

回曰吾無以進矣敢問其方仲尼曰齊吾將語若有而

為之其易邪

夫司其心而為之者誠未易也○曰齊本亦作齋同則皆反下同易以鼓反後皆同

向崔云易之者睥大不宜

以有為為易未見其宜也○睥徐胡老反向云睥天自然

也顏回曰回之家貧惟不飲酒不茹葷者數月矣若此

則可以為齊乎曰是祭祀之齊非心齊也回曰敢問心

齊仲尼曰若一志

去異端而任獨也

○茹徐音汝食也

同無聽之以耳而聽之以心無聽之以心而聽之以氣

聽止於耳心止於符氣也者虛而待物者也

遺耳目去心意而符

氣性之自得此虛以待物者也

惟道集虛虛者心齊也

虛其心則至道集於懷也顏

回曰回之未始得使實自回也

未使心齊故有其身○未始得使絕句崔請至

實字

得使之也未始有回也

既得心齊之使則無其身

可謂虛乎夫

子曰盡矣吾語若若能入遊其樊而無感其名

放心自得之場

當於實入則鳴不入則止

譬之宮商應而無心故曰鳴也夫無心而應者能耳不

強應也○

無門無毒

使物自若無門者也付不之自安無毒者也毒治也○毒如字之

也崔本作

一宅而寓於不得已

不得已者理之必然者也體至一之宅而會于

必然之無也○

而

則幾矣

理盡於斯

絕迹易無行地難

則易

欲行而不踐地不可得也

無絕句向崔皆以無字屬下句

為人

使易以偽為天使難以偽

視聽之所得者粗故易欺也至於自然之報細故難偽也

則失真少者不全亦少失真多者不全亦多失得之報未有不當其分者也而欲連天為偽不全亦難乎○粗音

鹿聞以有翼飛者矣未聞以無翼飛者也聞以有知知

者矣未聞以無知知者也

言必有其具乃能其事今無至虛之宅無由有化物之實

也○知知上音智
下如字下句同

瞻彼闕者虛室生白

夫視有若無虛室者也虛室而

純白獨生矣○闕徐苦穴反司馬云空也虛室生白崔

生也○獨吉祥止止者至虛至靜也夫且不止是之謂坐馳

若夫不止於當不會於極此為以應坐之日而馳夫徇

耳目內通而外於心知鬼神將來舍而況人乎夫使耳

自然得者心知而外矣故將任性直通無往不冥尚

無幽昧之責而問之累乎○徇辭俊反徐辭倫反

李云使也知是萬物之化也禹舜之所紐也伏羲几筵

之所行終而况散焉者乎言物無貴賤未有不由心知

謂知者豈欲知而知哉所謂見者豈謂見而見哉若夫
知見可以欲為而得者則欲賢可以得賢為聖可以得
聖乎固不可矣而世不知知之自知因欲為知以知之
不見見之自見因欲為見以見之不知生之自生又將
為生以生之故見目而求離婁之明見耳而責師曠之
聽故心神奔馳於內耳目竭喪於外身處不適則與物
不冥矣不冥矣而能合乎人間之變應乎世世之節者
未之有也○組徐女酒反崔云系而行之曰組簡文云
組本也戲本又作叢亦作攢同許宜反即大睥三皇之
始也几遯其居反向云古之帝王也李云上古帝王散
悉旦反李云放也崔云德不及
聖王為散聽本作聽喪息浪反
於仲尼曰王使諸梁也甚重
重其使欲有所求也葉音攝子高楚大夫為葉縣尹
借稱公姓沈名諸梁字子高
將使所吏反下待使及注同
齊之待使者蓋將甚敬而

不急

恐直空報其敬而不肯急應其求也

匹夫猶未可動也而況諸侯乎

吾甚慄之子嘗語諸梁也曰凡事若小若大寡不道以

懼成

夫事無小大少有不宣以成爲懼者耳此仲尼之所曾告諸梁也慄音栗李云懼也語魚據反下同

事若不成則必有人道之患

夫以成爲懼者不成則怒矣此楚王之所不能免也

事若成則必有陰陽之患

人患雖去然喜懼藏於胃中固已結冰炭於上藏矣○藏

才浪

若成若不成而後無患者惟有德者能之

成敗若

彼而莫足以惠心者惟有德者乎

吾食也執粗而不臧爨無欲清之人

對火而不思涼明其所饌儉薄也○執衆家本並然簡文作熱粗音麤又才古反臧作郎反善也絕句一音才

郎反句至爨字爨七亂反清七性反字宜從之從之者
假借也清涼也之人言爨火為食而不思清涼明火微
而食宜儉薄
饌士惡反
今吾朝受命而夕飲冰我其內熱與
所饌儉薄

而內熱飲冰者誠憂事之難非美食之為○與
吾未至
音餘下慎與同內熱向云食美食者必內熱

乎事之情而既有陰陽之患矣事若不成必有人道之

患是兩也

事未成則惟恐不成耳若果不成則恐懼
結於內而利網羅於外也○恐丘勇反

為

人臣者不足以任之子其有以語我來仲尼曰天下有

大戒二其一命也其一義也子之愛親命也不可解於

心自然結固不可解也○
任而林反又而鳩反

臣之事君義也無適而非君

也無所逃於天地之間

千人聚不以一人為主不亂則散故多賢不可以多君無賢不

可以無君此天人之道必至之宜

是之謂大戒

若君可逃而親可解則不足戒也

是以

夫事其親者不擇地而安之孝之至也夫事其君者不

擇事而安之忠之盛也自事其心者哀樂不易施乎前

知其不可奈何而安之若命德之至也

知不可奈何者命也而安之則

無哀無樂何易施之有哉故冥然以所遇為命而不施心於其間泯然與至當為一而無休戚於其中雖事凡

人猶無往而不適而况君親乎○樂音洛注下同施如字崔以豉反云移也

為人臣子者固

有所不得已行事之情而忘其身

事有必至理固常通故任之則事濟事濟

而身不存者未之有也
又何用心於其身哉

何暇至於悅生而惡死夫子其

行可矣

理無不通故當任所遇而直前耳若乃信道不篤而悅惡存懷不能與至當俱往而謀生慮死

未見能成其事者也

丘請復以所聞凡交近則必相靡

以信

近者得接故以其信驗親相靡服也○復扶又反下注同

遠則必忠之以言

道

言傳意也○傳文

專反下文並注同

言必或傳之夫傳兩喜兩怒之言天

下之難者也

夫喜怒之言若過其實傳之者宜使兩不失中故未易也○怒如字注同本又作怨

下文同易以鼓反
下文注皆同

夫兩喜必多溢美之言兩怒必多溢惡

之言

溢過也喜怒之言常過其當也

凡溢之類妄

嫌非彼言以傳者妄作

妄則其

信之也莫

莫然疑之

莫則傳言者殃

就傳過言似於誕妄受者有疑則傳言者橫以

輕重為罪也

故法言曰傳其常情無傳其溢言則幾乎全

聞雖

臨時之過言而勿傳也必稱其常情而要其誠致則近於全也

○要一達反近附近之近

且以巧鬪

力者始乎陽

本共好戲

常卒乎陰

欲勝情至潛興害彼

泰至則多

奇巧

不復循理○大至音泰本亦作泰徐較佐反下同巧如字又苦孝反

以禮飲酒者始

乎治

尊卑有別旅酬有次○治直吏反別波列反

常卒乎亂

湛洶湛洶也○湛直林反又谷

南反洶面善反

泰至則多奇樂

淫流縱橫無所不至

凡事亦然始乎

諒常卒乎鄙其作始也簡其將畢也必巨

夫煩生於簡事起於微此

勢也必至之

言者風波也行者實喪也

夫言者風波也故行之則實喪矣○喪息

浪反注

夫風波易以動實喪易以危

故遺風波而弗行則實不喪矣夫事

得其實則危可安而蕩可定也

故忿設無由巧言偏辭

夫忿怒之作無他由也常由巧

言過實偏辭失當○偏音篇崔本作編音辯

獸死不擇音氣息弗然於是並

生心厲

譬之野獸蹴之窮地意急情盡則和聲不至而氣息不理弗然暴怒俱生痼疵以相對之○氣

息並如字向本作諛器云諛馬氏音息器氣也崔本作總器云喘息器不調也又作華字第徐符弗反郭敦末

反李音佛崔音勃厲如字李音賴蹴子六反痼疑音反又音詣本又作痼音尤疵士貴反又齊計反上若作痼

此則才知反

剋核太至則必有不肖之心應之而不知其然

也夫寬以容物物必歸焉剋稜太精則鄙吝心生而不

自覺也故大人蕩然放物於自得之場不苦人之能

不竭人之歡故四海之交可全○核幸格反苟為不知其然也孰知其所終

苟不自覺安能知禍福之所齊詣也○齊如字又才計反故法言曰無遷令實也無

勸成任其過度益也任實非遷令勸成殆事此事之美

成在久美成者任其時化譬惡成不及改彼之所惡而

悔敗尋至○惡鳥路反可不慎與且夫乘物以遊心

意也託不得已以養中至矣任理之必然者中庸之

意也作為報也當任齊所報之實何為為齊作意於

其間哉○為為上如字下于偽反莫若為

致命此其難者

直為致命最易所以喜怒施心故難也

顏闔將傳衛靈公

大子而問於蘧伯玉曰有人於此其德天殺與之為無

方則危吾國與之為有方則危吾身

夫小人之性引之軌制則憎已縱其

無度則亂邦○顏闔胡臘反向崔本作盧魯之賢人隱者衛靈公左傳云名元大子音泰司馬云蒯臧也遂其

居反伯玉名瑗衛大夫天殺如字謂如其知適足以知

人之過而不知其所以過

不知民過之由已故罪責於民而不自改○其知音智

若然者吾奈之何蘧伯玉曰善哉問乎戒之慎之正女

身哉

反覆與會俱所以為正身○女音汝下同覆芳服反

形莫若就心莫若和

形不

乖逆和雖然之二者有患就不欲入

就者形順入者還與同

和不

欲出

和者義濟出者自顯伐

形就而入且為顛為滅為崩為蹶

若

與同則是顛危而不扶持與彼俱亡矣故當模格天地但不立小異耳○蹶徐其月反郭音厥李舉衛反模莫

胡心和而出且為聲為名為妖為孽

自顯和之且有含垢之聲濟彼之名

彼將惡其勝已妄生妖孽故當悶然若晦玄同光塵然後不可得而親不可得而疎不可得而利不可得而害

○孽彥列反惡鳥路反悶音門

彼且為嬰兒亦與之為嬰兒彼且為無

町畦亦與之為無町畦彼且為無崖亦與之為無崖達

之入於無疵

不小立圭角以逆其鱗也○嬰兒李云喻無意也崔云喻驕遊也町徒頂反畦戶圭

反李云町畦畔埒也無畔埒無威儀也崔云喻
守節崖司馬云不顧法也無疵似移反病也

汝不知

夫螳螂乎怒其臂以當車轍不知其不勝任也是其才

之美者也

夫螳螂之怒臂非不美也以當車轍顧非敵耳今知之所無奈何而欲彊當其任即螳螂

之怒臂也

戒之慎之積伐而美者以犯之幾矣

積汝之才伐汝

之美以犯此汝不知夫養虎者乎不敢以生物與之為

其殺之之怒也

恐其固有殺心而遂怒也○為于偽反下同

不敢以全物與

之為其決之之怒也

方使虎自齧分之則因時其饑飽用力而怒矣○分如字

達其怒心

知其所以怒而順之

虎之與人異類而媚養已者順也

故其殺者逆也

順理則異類生愛逆節則至親交兵

夫愛馬者以筐盛矢

以蜃盛溺

矢溺至賤而以寶器盛之愛馬之至也○盛矢音咸下及注同矢或作屎同蜃徐市軫反

蛤類

適有蚤蚤僕緣

僕僕然羣著馬○蚤音文本或作蚤同蚤孟庚反僕緣普木反

徐敷木反向云僕僕然蚤蚤緣馬稠

而拊之不時

雖救其患

而掩馬之不意○拊李音撫又音付一音附崔本作府音拊

則缺銜毀首碎胷

掩其不備

故驚而至此

意有所至而愛有所亡可不慎邪

意至除患率然拊之以致

毀碎失其所以愛矣故當世接物逆順之際不可不慎也○率踈律反本或作卒七忽反

匠石之齊

至乎曲轅見櫟社樹其大蔽牛絜之百圍其高臨山十

仞而後有枝其可以為舟者旁十數觀者如市匠伯不顧遂行不輟弟子厭觀之走及匠石曰自吾執斧斤以隨夫子未嘗見材如此其美也先生不肯視行不輟何邪曰已矣勿言之矣散木也以為舟則沈以為棺槨則速腐以為器則速毀以為門戶則液滿以為柱則蠹是不材之木也無所可用故能若是之壽

故曰散木

曲

轉音素司馬云曲轉曲道也崔云道名標力狄反李云木名一云采也蔽牛必世反李云牛住具旁而不見絮向徐戶結反徐又虎結反約束也百圍李云徑尺為圍蓋十丈也十仞小爾雅云四尺曰仞案七尺曰仞崔本

作十仞或云八尺曰仞旁十數所具反崔云旁旁枝也
觀古與反又音官匠伯伯匠石字也崔本亦作石輟丁
劣反厭於艷反又於瞻反散悉但反徐悉旦反下同速
如字向崔本作數向所祿反下同腐扶甫反液音亦槁
亡言反向李莫干反郭武半反司馬云液津液也
槁謂脂出槁槁然也崔云黑液出也蠹丁故反 匠石

歸櫟社見夢曰女將惡乎比予哉若將比予於文木邪

凡可用之木為文木○見胡
薦反女音汝惡音烏下同

夫柎梨橘柚果蓏之屬實

熟則剥則辱大枝折小枝泄此以其能苦其生者也故
不終其天年而中道夭自掊擊於世俗者也物莫不若

是

物皆以自用傷○狙側加反槁均必反抽由救反徐
以救反蓏徐力果反泄徐思列反崔云泄洩同苦如

字崔本作枯拈普
口反徐方垢反

且予求無所可用久矣幾死乃今得

之數有瞬眈已者惟今匠石明之耳○幾音祈
又音機下同數音朔瞬普係反眈五係反

為予大

用積無用乃為使予也而有有用且得有此大也邪若有久

見且也若與予也皆物也奈何哉其相物也而幾死之

散人又惡知散木

以戲匠石○而幾死之絕句向
同一讀連下散人為句崔同

匠石

覺而診其夢弟子曰趣取無用則為社何邪

猶嫌其以
為社自榮

不趣取於無用而已○覺古孝反
診徐直信反司馬向云診占夢也曰密若無言彼亦直

寄焉社自來寄耳非此
木求之為社也

以為不知已者詬厲也

言此木
乃以社

為不知已而見辱病也豈榮之哉○詒李云呼
豆反徐音垢屬如字司馬云詒辱也屬病也 不為社

者且幾有翦乎

本自以無用為用則雖不為社亦終不
近於翦伐之害○幾音機或音祈翦乎

子淺反崔本作前于
近附近之近下同

且也彼其所保與眾異

彼以無保
為保而眾

以有保

而以義譽之不亦遠乎

利人長物禁民為非社
之義也夫無用者泊然

不為而羣才自用用者各得其叙而不與焉此無用之
所以全也汝以社譽之無緣近也○譽音餘注同長丁

兩反泊步各
反與音豫

南伯子綦遊乎商之丘見大木焉有異結

駟千乘隱將芘其所賴

其枝所陰可以隱芘千乘○南
伯李云即南郭也伯長也商之

丘司馬云今梁國睢陽縣是也乘繩證反隱崔云傷於
熱也芘本亦作庇徐甫至反又悲位反崔本作比云芘

也賴音賴崔本作賴向云蔭也可
以蔭庇千乘也李同陰於鴛反

子綦曰此何木也哉

此必有異材夫仰而視其細枝則拳曲而不可以為棟

梁俯而視其大根則軸解而不可以為棺槨啞其葉則

口爛而為傷嗅之則使人狂醒三日而不已子綦曰此

果不材之木也以及於此其大也嗟乎神人以此不材

天王不材於百官故百官御其事而明者為之視聽者
為之聽知者為之謀勇者為之扞夫何為哉玄然而已

而羣材不失其當則不材乃材之所至賴也故天下樂
推而不厭乘萬物而無害也○夫音符仰而向崔本作從

而拳本亦作卷音權軸直竹反解李云如衣軸之直解
也啞食紙反嗅崔云𪔐許救反狂醒音呈李云狂如醒

也病酒曰醒為之于
偽反下為之皆同

宗有荆氏者宜楸柏桑其拱把而

上者求狙猴之杙者斬之三圍四圍求高名之麗者斬

之七圍八圍貴人富商之家求禪傍者斬之故未終其

天年而中道之夭於斧斤此材之患也

有材者未能無惜也○荆氏司

馬云地名也一曰里名宜楸柏桑崔云荆氏之地宜此
三木李云三木文木也拱恭勇反把百雅反司馬云兩

手曰拱一手曰把上時掌反狙七餘反猴音侯杙以臠
反又羊植反郭具羊反司馬作扒音八李云欲以栖戲

狙猴也崔本作拔音跋云枷也三圍崔云圍環八尺為
一圍麗如字又音禮司馬云小船也又屋櫬也禪本亦

作檀音膳傍薄剛反崔云禪傍棺也
司馬云棺之全一邊者謂之禪傍

故解之以牛之白

顙者與豚之亢鼻者與人有痔病者不可以適河

巫祝解除

弃此三者必妙選驛具然後敢用○解徐古賁反又佳買反注同向古漸反顙息黨反司馬云顙也亢司馬云

高也顙折故鼻高崔云仰也痔徐直里反司馬隱創也適河司馬云謂沈人於河祭也○驛恤營反此皆

巫祝以知之矣

巫祝於此亦所以為不祥也此乃神人

之所以為大祥也

夫金生者天下之所謂祥也巫祝以不材為不祥而弗用也彼乃以不祥

全生乃大祥也神人者無心而順物者也故天下之所謂大祥神人不逆

支離疏者願隱於

齊肩高於頂會撮指天五管在上兩髀為脅挫鍼治解

足以餬口鼓箠播精足以食十人上徵武士則支離攘

臂於其間

恃其無用故不自竄匿○支離疏其名也願以之反頂如字

本作項亦如字司馬云言脊曲項縮也淮南曰脊管高

於頂也會古外反徐古活反向音活撮于外反向徐子

活反崔云會撮項推也指天司馬云會撮髻也古者髻

在項中脊曲高低故髻指天也向云兩肩疎而上會撮

然也管崔本作筦在上李云管臑也五藏之臑皆在上

也解本又作脾同音陞徐又甫婢反崔云僕人腹在解

裏也臂許劫反司馬云脊曲解豎故與臂並也挂徐子

卧反郭祖禾反崔云案也鍼執金反司馬云挫鍼縫衣

也解佳賣反司馬云浣衣也向同崔作解音綫解徐音

胡李云食也崔云字或作互或作𩑦鼓筦初草反徐又

音頗司馬云鼓鞞也小箕曰筦崔云鼓筦揅著鑽繩也

播精如字一音所字則當作數精司馬云簡米曰精崔

云播精卜卦占兆也鼓筦播精言賣卜食音嗣據如羊

反臂于其間如字司馬云間裏也崔本作據臂於其間

云開門中也
匿女力反

上有大役則支離以有常疾不受功

不任作役

故

上與病者栗則受三鍾與十束薪

役則不與賜則受之○三鍾司馬云

斛斛四斗曰鍾與音豫

夫支離其形者猶足以養其身終其天年

又況支離其德者乎

神人無用於物而物各得自用歸功名於羣才與冥而無迹故免人

間之害處常美之實此支離其德也

孔子適楚楚狂接輿遊其門曰鳳兮

鳳兮何如德之衰也

當順時直前盡乎會通之宜耳世之衰盛蔑然不足覺故曰何如

來世不可待往世不可追也

趣當盡臨時之宜耳

天下有道聖人

成焉天下無道聖人生焉

付之自爾而理自生成生成非我也豈為治亂易節哉治

自求成故遺成而不敗亂自求生故忘方今之時僅免生而不死○為于偽反治直吏反下同

刑焉

不瞻前顧後而盡當今之會冥然與時世福輕乎為一而後妙當可全刑名可免○僅音覲

羽莫之知載

足能行而放之手能執而仕之聽耳之所聞視目之所見知止其所不知能止其所

不能用其自用為其自為恣其性內而無纖芥於分外此無為之至易也無為而性命不全者未之有也性命全而非福者理未聞也故夫福者即向之所謂全耳非假物也豈有寄鴻毛之重哉率性而動動不過分天下之至易也舉其自舉載其自載天下之至輕也然知以無崖傷性心以欲惡蕩真故乃釋此無為之至易而知彼有為之至難弃夫自舉之至輕而取夫載彼之至重此世之常患也○易以歧反下同知音智惡鳥路反

禍重乎地莫之知避

舉其性內則雖負萬鈞而不覺其重也外物寄之雖重不盈緇銖有

不勝任者矣為內福也故福至輕為外禍也故禍至重
禍至重而莫之知避此世之大迷也○知避舊本作真

云置也勝音升已乎已乎臨人以德殆乎殆乎畫地而趨夫畫地而

使人循之其迹不可掩矣有其已而臨物與物不冥矣
故大人不明我以耀彼而任彼之自明不德我以臨人

而付人之自得故能彌貫萬物而玄同彼我迷陽迷陽
泯然與天下為一而內外同福也○畫音獲

無傷吾行迷陽猶亡陽也亡陽任獨不蕩於外則吾行全矣天下皆全其吾則凡稱吾者莫不皆全

也○迷陽司馬云迷陽伏陽也言詐狂吾行卻曲無傷吾足曲成其行各自足矣○卻

曲去逆反字書作山木自冠也膏火自煎也桂可食故
匠廣雅云匠曲也

伐之漆可用故割之人皆知有用之用而莫知無用之

用也

有用則與彼為功無用則自全其生夫割肌膚以

彼我俱適者悅然不覺妙之在身也○山木自冠也膏

火自煎也煎子然反司馬云木生斧柄還自伐膏起火

還自消崔云山有木

莊子內篇德充符第五

德充於內應物於外外內玄合

義曰崔云此遺形弃

知以德實之驗也

魯有兀者王貽從之遊者與仲尼相若

弟子多少敵孔

又音界李云則足曰兀案篆書兀分字相似王貽音臺

徐又音殆人姓名也從如字李才用反下同相若若如

也弟子如夫

常季問於仲尼曰王貽兀者也從之遊者

與夫子中分魯立不教坐不議虛而往實而歸

各自得而足也

○常季或云孔子弟子立不坐教不議司馬云立不教授坐不議論

固有不言之教無形

而心成者邪

怪其形殘而心乃充足也夫心之全也遺身形忘五藏忽然獨往而天下莫能離○

藏才浪反下同

是何人也仲尼曰夫子聖人也丘也直後而未

往耳丘將以為師而況不若丘者乎奚假魯國丘將引

天下而與從之

夫神全心具則體與物冥與物冥者天下之所不能遠矣但一國而已哉○丘

也直後而未往耳李云自在眾人後未得往師之耳遠于萬反

常季曰彼兀者也而王

先生其與庸亦遠矣若然者其用心也獨若之何仲尼

曰死生亦大矣

人雖曰變然死生之變變之大也○王于況反李云勝也崔云君長也其與庸

亦遠矣與凡庸異也崔云庸常人

而不得與之變

彼與變俱故生

雖天

地覆墜亦將不與之遺

斯順之也○覆芳服反墜本又作隊直類反李云天地猶不能

變已況生死也

審乎無假

明性命之固當

而不與物遷

任物之自遷

命物之

化

以化為命而無怪迂○迂五故反本亦作還下同

而守其宗也

不離至當之極○離力智

反常季曰何謂也仲尼曰自其異者視之肝膽楚越也

恬苦之性殊則美惡之情背○肝膽丁覽反惡鳥路反下皆同背音佩

自其同者視之萬物

皆一也

雖所美不同而有所美各美其所美則萬物一美也各是其所是則天下一是也夫因奚所

異而異之則天下莫不異而浩然大觀者官天地府萬物知異之不足異故因其所同而同之則天下莫不皆同

又知同之不足有故因其所無而無之則是非美惡莫不皆無矣夫是我而非彼美已而惡人自中知以下至

於昆蟲莫不皆然然此明乎我而不明乎彼者爾若夫玄通混合之士因天下以明天下天下無曰非我也即

明天下之無非無曰彼是也即明天下之無是無是無非混而為一故能乘變任化迁物而不懼○中知音智

惜之夫若然者且不知耳目之所宜宜生於不宜者也

涉反宜無不宜故而遊心乎德之和都亡宜故無不任也都亡其宜也

也無不得而不和者亦未聞也故放心於物視其所一

而不見其所喪視喪其足猶遺土也體夫極數之妙心故能無物而不同

無物而不同則死生變化無往而非我矣故生為我時
死為我順時為我聚順為我散聚散雖異而我皆我之
則生故我耳未始有得死亦我也未始有喪夫死生之
變猶以為一既觀其一則說然無係玄同彼我以死生
為寤寐以形骸為逆旅去生如脫屣斷足如遺土吾未
見足以纓第其心也○喪息浪反下及注同說始錢反
又音悅脫屣九具反本亦
作屣所買反斷丁管反
常季曰彼為已以其知

能忘知而自存
○為于偽反
得其心以其心
嫌未能遺得其常心物

何為最之哉

夫得其常心平往者也嫌其不能平往而
與物過常故使物就之○最徂會反徐采

會反下注同
司馬云聚也

仲尼曰人莫鑑於流水而鑑於止水

夫止

致鑑者非為止以求鑑也故王貽之聚眾眾自歸之豈
引物使從已○鑑古暫反流水崔本作沫水云沫或作

流惟止能止衆止

動而為之則不受命於地惟松栢獨

也在冬夏青青

夫松栢特稟自然之鍾氣故能為

受命

於天惟舜獨也正

言特受自然之正氣者至希也下首則惟松栢上首則惟有聖人故凡不

正者皆求其止耳若此皆有青至則無貴幸能正生以

正衆生

幸自能正身非

人保始之徵不懼之實勇士一

人雄入九軍將求名而能自愛者而猶若是

非能遺名而無

不仕○保始之徵李云成也然可保成也九軍在

李云天子六軍諸侯三軍通為九軍也簡文云兵書以攻九天叔九地故謂而況官天地府萬物冥然無旨寓

之九軍要一遙反

而況官天地府萬物

冥然無

旨寓

六骸

所謂逆旅○六骸崔云手足首身也

象耳目

人用耳目非須耳目

一知之

所知而心未嘗死者乎

知與變化俱則無往而不冥此知之一者也心與死生順則無

時而非生此心之未嘗死也

彼且擇日而登假人則從是也

以不失會為擇

耳斯人無擇也任其天行而時動者也故假借之人由此而最之耳○且如字徐子余反下同假人古雅反借

也徐音遐讀連上句人字向下

彼且何肯以物為事乎

其怙漢故全也

申徒嘉

兀者也而與鄭子產同師於伯昏無人子產謂申徒嘉

曰我先出則子止子先出則我止

羞與別者並行○申徒嘉李云申徒氏嘉

名無人難篇作齊人別音月又五刮反

其明日又與合堂同席而坐子產

謂申徒嘉曰我先出則子止子先出則我止今我將出

子可以止乎其未邪

質而問之欲使必不並已

且子見執政而不違

子齊執政乎

常以執政自多故直云子齊執政使謂足以明其不遜

申徒嘉曰先

生之門固有執政焉如此哉

此論德之處非計位也○處昌慮反

子而說

子之執政而後人者也

笑其矜說在位欲處物先○說音悅注同

聞之曰鑑

明則塵垢不止止則不明也久與賢人處則無過今子

之所取大者先生也而猶出言若是不亦過乎

事明師而鄙吝

之心猶未去乃真過也

子產曰子既若是矣

若是形殘

猶與堯爭善計

子之德不足以目反邪

言不自顧省而欲輕蔑在位與有德者並計子之德故不足以

補形之過

○爭善如字申徒嘉曰自狀其過以不當亡者衆

多自陳其

過狀以爲不當亡者衆也

不狀其過以不當存者寡

默然為過自以為應死者

也少知不可余何而安之若命惟有德者能之遊於羿之

彀中中央者中地也然而不中者命也

羿古之善射者弓矢所及為彀

中夫利害相攻則天下皆羿也自不遺身忘知與物同波者皆遊於羿之彀中耳雖張彀之出單豹之處猶未免於中地則中與不中惟在命耳而區區者各有其所遇而不知命之自爾故免乎弓矢之害者自以為巧欣然多已及至不免則自恨其謬而志傷神辱斯未能達命之情者也夫我之生也非我之所生也則一生之內

百年之中其坐起行止動靜趣舍性情知能凡所有者
凡所無者凡所為者凡所遇者皆非我也理自爾耳而
橫生休戚乎其中斯又逆自然而失者也○知如字又
音智羿音詣徐胡係反善射人唐夏有之一云有窮之
君篡夏者也殺音邁張弓也中如字央於良反又於倉
反中地丁仲反下不中注中地中與不中同單音善
人以其全足笑吾不全足者衆矣

皆不知命而不笑

我怫然而

怒見其不知命也

○怫扶弗反

而適先生之所則廢然而反

見至人之知命遺形故廢向者之怒而復常

不知先生之洗我以善邪

不知先生

洗我以善道故邪我為能自反邪斯自忘形而遺累

吾與夫子遊十九年而未嘗

知吾兀者也

忘形故也○吾介本又作兀兩通

今子與我遊於形骸之

內而子索我於形骸之外不亦過乎

形骸外矣其德內也今子與我德遊

耳非與我形交而索我外好豈不過哉○索色百反注同

子產蹇然改容更貌曰子

無乃稱

已悟則厭其多言也○蹇子六反稱如字舉也又尺證反

魯有兀者叔山無

趾踵見仲尼

踵類也○叔山無趾音止李云叔山字無足趾踵朱勇反向郭云類也崔云無趾故

踵行見

仲尼曰子不謹前既犯患若是矣雖今來何及

矣無趾曰吾惟不知務而輕用吾身吾是以亡足

人之生也

理自生矣直莫之為而任其自生斯重其身而知務者也若乃忘其自生謹而矜之斯輕用其身而不知務也故五藏相攻於內而手足殘傷於外也

○子不謹前絕句一讀以謹字絕句

今吾來也猶有

尊足者存

明一足未足以虧其德

吾是以務全之也

去其

不謹任其自生斯務全也○去羗呂反

夫天無不覆地無不載

天不為覆故能常覆

地不為載故能常載使天地而為覆載則有時而息矣使舟能沈而為人浮則有時而沒矣故物為焉則未足以終其生也○為于偽反下不為而為皆同

吾以夫子為天地安知夫子之

猶若是也

青其不謹不及天地也

孔子曰丘則陋矣夫子胡不入

乎請講以所聞無趾出

聞所聞而出全其無為也

孔子曰弟子勉之

夫無趾兀者也猶務學以復補前行之惡而況全德之

人乎

全德者生便忘生○行下孟反

無趾語老聃曰孔丘之於至人其

未邪彼何賓賓以學子為

怪其方復學於老聃○語魚據反賓賓司馬云恭貌張云

猶賢賢也崔云有所親踈也簡文云好名貌

彼且斡以詛詭幻怪之名聞不

知至人之以是為已桎梏邪

夫無心者人學亦學然古之學者為已今之學者為

人其弊也遂至乎為人之所為矣夫師人以自得者率其常然者也舍已效人而逐物於外者求乎非常之名者也夫非常之名乃常之所生也故學者非為幻怪也幻怪之生必由於學禮者非為華薄也而華薄之興必由於禮斯必然之理至人之所無奈何故以為已之桎梏○斡音祈詛尺叔反詭九委反李云詛詭奇異也幻滑辨反亦作勾桎之實反郭真一反木在足也桎古毒反木在手也為已于偽反下者為人同舍音捨

老

聃曰胡不直使彼以死生為一條以可不可為一貫者

解其桎梏其可乎

欲以直理冥之與其無迹○貫古亂反

無趾曰天刑之

安可解

今仲尼非不冥也顧自然之理行則影從言則響隨夫順物則名迹斯立而順物者非為名也

非為名則至矣而終不免乎名則孰能解之哉故名者影響也影響者形聲之桎梏也明斯理也則名迹可遺名迹可遺則尚彼可絕尚彼可絕則性命可全矣○響許丈反本又作向下同

魯哀公問於仲

尼曰衛有惡人焉曰哀騶它

惡醜也○惡人惡貌醜騶音臺徐又音姑它徒何反

李云哀騶醜貌它其名

丈夫與之處者思而不能去也婦人見之

請於父母曰與人為妻寧為夫子妾者數十而未止也

未嘗有聞其唱者也常和人而已矣無君人之位以濟

乎人之死

明物不由權勢而往和戶卧反下同

無聚祿以望人之腹

明非求食

而又以惡駭天下

明不以形美故往○駭胡皆反崔本作賦

和而不唱

非招致

之知不出乎四域

不役思於分

且而雌雄合乎前

夫才全者

與物無害故入獸不亂羣入鳥不亂行而為萬物是必之林藪雌雄合乎前李云禽獸屬也行戶剛反

有異乎人者也寡人召而觀之果以惡駭天下與寡人

處不至以月數而寡人有意乎其為人

未經月已覺其有遠處

不至乎期年而寡人信之國無宰而寡人傳國焉

委之以國

政期音基傳文專反悶然而後應

寵辱不足以驚其神問音門李云不覺貌崔云有頃之間也應

應對
之應

應對
汜而若辭
人辭亦辭○汜浮
汜反不係也

寡人醜乎卒授之國無

幾何也去寡人而行寡人卹焉若有亡也若無與樂是

國也是何人者也仲尼曰丘也嘗使於楚矣適見狔子

食於其死母者

食乳也○醜李云醜慙也崔云愧也幾居豈反樂音洛嘗使於楚矣使音所吏

反本亦作遊又旨云當於楚矣狔本又作豚徒門反食音飲邑錦反注同舊如字簡文同

少焉眴若

皆棄之而走不見已焉爾不得類焉爾

夫生者以才德為類死而才德

去矣故生者以失類而走也故含德之厚比於赤子無往而不為之赤子也則天下莫之害斯得類而明已故

也情苟類焉則雖形不與同而物無害心情類苟亡則雖形同母子而不足以固其志矣○眴本亦作瞬音舜

司馬云驚貌崔云目動也謂死母目動 所愛其母者非愛其形也愛使其

形者也

使形者才德也

戰而死者其人之葬也不以娶資

娶者武所

資也戰而死者無武也娶將安施○娶資所甲反扇也武士所造宋均云武飾也李資送也崔本作娶杖音坎

謂先人墳墓也

別者之屨無為愛之

所愛屨者為足故耳○為足于偽反

皆無其

本矣

娶屨者以足武為本

為天子之諸御不爪翦不穿耳

全其形也取

妻者止於外不得復使

恐傷其形

○復使扶又反章末注同崔本作不得復使入云不

復入形全猶足以為爾

採擇嬪御及燕爾新婚本以形好為意者也故形之全也無以

降至尊之情回貞女而況全德之人乎

德全而物愛之宜矣 今哀

駘它未言而信無功而親使人授己國惟恐其不受也

是必才全而德不形者也哀公曰何謂才全仲尼曰死

生存亡窮達貧富賢與不肖毀譽飢渴寒暑是事之變

命之行也

其理故當不可逃也故人之生也非誤生也生之所有非妄有也天地雖大萬物雖多然

吾之所遇適在於是則雖天地神明國家聖賢絕力至知而弗能違也故凡所不遇弗能遇也其所遇弗能不

遇也凡所不為弗能違也其所為弗能也故付之而自當矣譽音餘日夜相代乎前夫

行事變不舍晝夜推之不去留之不舍音捨而知不能規乎其

傳故才全者隨所遇而任之舍音捨始者也夫始非知之所規而故非情之所留是以知命之必行事之必變豈於終規始在新戀故哉雖

有至知而弗能規也逝者之往吾奈之何哉

故不足以滑和苟知性命之固當則雖死生窮

達千變萬化淡然自若而和理在身矣滑音骨淡徒雙反

不可入於靈府

靈府者精神之宅也

夫至足者不以憂患經神若皮外而過去

使之和豫通而不失於允

苟使和性不滑

靈府間豫則雖涉乎至變不失其允然也○允徒外反李云悅也間音閑

使日夜無卻

泯然常任

之○卻去逆反李云閑也

而與物為春

羣生之所賴也

是接而生時於心者

也順四時而俱化○司馬云接至道而和氣在心也李云接萬物而施生順四時而俱作

是之謂

才全何謂德不形曰平者水停之盛也

天下之平莫盛於停水也

其

可以為法也

無情至平故天下取正焉

內保之而外不蕩也

內保其明外無

情為玄鑒洞照與物無私故能德者成和之脩也事成

全其平而行其法也為于為反物得以和謂之德也德不形者物不能離也無事不成無物不和此德之不行也是以

天下樂推而不厭○離力智反哀公異日以告閔子曰始也吾以南面

而君天下執民之紀而憂其死吾自以為至通矣今吾

聞至人之言恐吾無其實輕用吾身而亡吾國吾與孔

丘非君臣也德友而已矣聞德元之風者雖復哀公猶欲遺形骸忘貴賤也○閔子

孔子弟子閔跂支離無脰說衛靈公靈公說之而視全

人其脰肩肩甕菴大癭說齊桓公桓公說之而視全人

其脰肩肩

偏情一往則醜者更好而好者更醜也○陸音因郭烏年反跂音企郭其逆反支離無脰

徐市軫反音脰司馬云閏曲跂企也閏跂支離言脚常曲行體不正卷縮也無脰名也崔云閏跂偃者也支離

偃者也脰脰同簡文云跂行也脰脰也說衛始銳反又如字下說齊桓同說之音悅下說之同脰音豆頸也肩

肩胡田反又胡思反李云羸小貌崔云猶玄玄也簡文云直貌羸烏送反郭於寵反羸烏葬反郭於兩反李云

羸羸大瘦貌崔同大羸一領反說文云瘤也故德有所長而形有所忘其德長於

順物則物忘其醜長人不忘其所忘而忘其所不忘此

謂誠忘生則愛之死則弃之故德者世之所不忘也形者理之所不存也故夫忘形者非忘也不忘形

而忘德者故聖人有所遊遊於自得之場致之而乃誠忘也

為孽約為膠德為接工為商

此四者自然相生其理已具○知音智下同孽魚列

反司馬云智慧生妖孽約為膠司馬云約束而後有如膠漆崔云約誓所以為膠固德為接司馬云散德以接物也工為商司馬云工巧而商賈起聖人不謀惡用知不斷惡用膠無喪

惡用德不貨惡用商

自然已具故聖人無所用其已也○惡音烏下同斷陟角反喪息浪

反四者天鬻也天鬻也者天食也

言自然而稟之○鬻音育養也食音嗣亦

如既受食於天又惡用人

既稟之自然其理已足則雖沈思以免難或明戒以避禍

物無妄然皆天地之會至理所起必自思之非我思也必自不思非我不思也或思而免之或思而不免或不思而免之或不思而不免凡此皆非我也又奚為哉任之而自至也○食如字又音嗣沈思息嗣反亦如字難

乃旦有人之形視其形貌若人無人之情掘若槁木之枝○掘

有人之形故羣於人類聚羣分自然無人之情故是非

不得於身無情故付眇乎小哉所以屬於人也形貌若人○眇

亡小反簡警乎大哉獨成其天無情故浩然無不任無

也故無情而獨成天也○警五羔反徐五報反簡又云

放也今取邀遊義也獨成其天如字崔本天字作大云

類同於人所以為小惠子謂莊子曰人故無情乎莊子

曰然惠子曰人而無情何以謂之人莊子曰道與之貌

天與之形惡得不謂之人人之生也非情之所生也生

情於為離曠而弗能也然離曠以無情而聰明矣有情
以為賢聖而弗能也然賢聖以無情而賢聖也豈直賢

聖遠絕而離曠難慕哉雖下愚聾瞽及難鳴狗吠豈有
情於為之亦終不能也不問遠之與近雖去已一分顏

孔之際終莫之得也是以關之萬物反取諸身耳目不
能以易任成功手足不能以代司致業故嬰兒之始生

也不以目求乳不以耳向明不以足操物不以手求行
豈百骸無定司形貌無素主而專由情以制之哉○惡

音烏下惡得同吠扶廢
反分如字操七刀反
惠子曰既謂之人惡得無情解

形貌之非情
也○解音嬰
莊子曰是非吾所謂情也
是以是非為情則
無是無非無好

無惡者雖有形貌直
是人耳情將安寄
吾所謂無情者言人之不以好惡

內傷其身
任當而直前
常因自然而不益生也
止於惠
者非情也

子曰不益生何以有其身

未明生之自生理之自足莊子曰道與之

貌天與之形

生理已自足於形貌之中但任之則身存

無以好惡內傷其身

夫好惡之情非所以益生祇足以傷身以其生之有分也○好惡呼報反下烏路反注同祇音支

今子

外乎子之神勞乎子之精倚樹而吟據槁梧而瞑

夫神不休

於性分之內則外矣精不止於自生之極則勞矣故行則倚樹而吟坐則據梧而睡言有情者之自困也○倚

於綺反槁苦老反梧音吾瞑音眠崔云據琴而睡也睡垂臂反


天選子之形子以堅白

鳴言凡子所為外神勞精倚樹據梧且吟且睡情世之所謂情也而云天選明夫情者非情之所生而況他

哉故雖萬物萬形云為趣舍皆在無情中來又何用情於其間哉○選宣轉反舊思緩反



莊子卷二



總校官庶吉士臣張能照

校對官中書臣石鴻緒

膳錄監生臣張五誥